

Aingiseta Ka Abongonokineta Kanuikamunitos Emoyo Lokalaunan

Jeffersonville, Indiana, USA

59-1219

1 Ido akaul nakwaar nabian kileleba do oni kere. Apup eong akiro nuajokak lolo anuangun luipu luapotu kodumutu Emoyo Lokalaunan. Epol isio aiyalama kanuangun.

Eyalaama kanuka ajaut kOnac Graham kede oni lolo, ediope kotoma kaluiswamanara keda oni kotoma oyekalu, ecokon lo okanisa loalaunit kotoma Utica. Onac Jackson, ajai ne, akwaar nabian, eyuunit kwain, arai ejai kau ne toma obina nenice kwana, ajai itunganan abala, toma...Eebo, awany eong Onac Jackson kokau kotoma obina kwape kwana. Dodo Onac Ruddell, ejai ngesi ne lolo? Erai ngon da ediope kaluisomanara keda oni kane kotoma "62". Iyalama isio kanu ajaut kec ne. Keda kosi ...Oo, Onac Pat, keda inacan da ice lu kere, kaluejaasi toma obiina. Iyalama sio kanuakus ajaut ne lolo.

2 Kwana, karai erai eong aitojokaar ibore ngin, ti eong kayangau ice kotoma alimonokinak luejokuka ne alimonokin yes, naarai awororiki eong akaul na ajaun ka apak naepol bian kwaare.

Kwana, Aberuka, nges etetenanika; ijenete yes, inacan, nuenera eong. Abu kalimok eong ebe itunga luokau mam apupete eong bian, naarai enera eong toma abore na. Dodo kwana, eringa eong egeara, akoto eong aitam ice bore. Kwana, mam eong ajeni arai ejok kwain. Yes luokau noi ejokuna nen? Araibo nen ejok? Ejok nen? Kwana, Naminat, ngin bon adiope apak adumuna eong akwetaret kanekon. Kwana, do ebakasi ebe ejok nen. Mam ace, Oo ika! Aberu ngin. Ejok ngin, naarai alwanikin najaar eong adiope. Edolit duc.

3 Ee, ijai lem keda apak naejok akwarasia auni nuka aijanakin; kijaar eong. Ido kwana, ateepon, kere kilema nuakwaar kanabian...abu kanyarau Onac Goad kasodi alimokin nges abunore ayangaar ateepon kanu Oyekalu. Konye abu eong amisiik ebe abu Billy Paul oyanga ekemotoka kosodi alosit, Epone loajenia eong mam ateepon aponi koyangarai. Apotu do atwakiasi ngin. Akot eong tikidaritete kokanisa kanuajokis na ekanisa kanu-etemari icetunganan-nuiyuunit oni.

4 Kwana, lolo alosi eong alimonokin nuka *Aurianet Naepol*, arai kangetak aingiseta kotoma apak. Akaul kangin, moi tupuruc erai aijanakin naka aitangale. Ilosi ailipanakin luadekak. Kanuangun, mam isio ipedori ainakin-arai alosit ido atemar, "Kwana, alosi eong ayangar ijo, kajo, kajo." Mam ngun ejokuka. Konye kinakini isio akaadin, dodo kotoma akaadin kangun, anyarauni eong idis kujune toma otut. Dodo kwana, karai egeu Emoyo Lokalaunan aideleleun, kolosi do kinga itorit obiina kosodi alemun itunga kotoma obiina kanuka aijanakin naka aitangale. Dodo, moi tupuruc, abuni alimonokin, arai kitojok Ejakait, eringa aijanakin naka aitangale.

Aanyu eong akaberu ekwena. Naminat, mam jo cut ipupi eong? Oo, ipupi ijo eong. Ee, ejok noi. Iboie ngin kokau cut kangina ido arai-mam epedori apupun eong, imungimungi akekou "Ijo...mam eong kapupi ijo, mam eong kapupi ijo."

5 Aso do moi-moi kwaare erai aijanakin nalimonokin ka aijanakin naka aibatis. Ido konye, nepe adauni eong alimonokin moi kwaare, kigolokinii oni akateins kasodete ajaun keda batisimu akwaar namoi. Karai kitojok Ejakait moi tupuruc, arai akwaar namoi akoto eong alimonokin akou nakiro *Aponi Koinakinai Aanyunet*, kosodi arai kijaun oni ne akwaar kaNauniet, karai ecamaki Ejakait eong ajaun ne Nauniet kwaare, akoto eong alimonokin akou nakiro *Kipou Kawanyutu Aaceritike Kokide, Ido Kiponit Isio Aima Nges*. Kwana, eraun apaaran adiope alomar obaga.

Kosodi, nepedaun ebaga erai do esabiti loebaga loaiyeng. Ngina nges iyangari oni ibaluan kere...Onac Mercier ka kes duc elemununete kesi kere kinga. Ido kapesikinate kes kere kinga, kasodete ailipakin ibaluwan ngun ido alimokin Ejakait aingarenikin oni kane ilosi oni kere kotoma akwap.

6 Kwana, ejaasi Christian Business Men, ejatar ekokoro loaojan, kotoma Florida kanu aurianet kec. Anyoun kanen kitoni Kingston, kelamaros kiton Haiti's, kaijesar da toni Puerto Rico, kalomarete Ongalakimak na America, kabongunete aitorun Mexico.

Konye esubit Ejakait bala ingarenikit eong alosit Norway. Mam eong ajeni inyobo. Ijeni jo itaabo ngin didi yen enyaritai *Etunganan Loijukuutai Kaneejai Edeke*? Erai eitabo loijerutai luipu kakere ko Norway. Koomom ber jo, nuesoma Edeke kangina. Ido neajaar eong ngina, mam apotu kocamakisi eong aidokonokin akanin nejaasi luadekak. Ajai eong ngina akwaarasia auni. Mam apotu kocamakisi eong aidokonokin akanin nejaasi luadekak. Iteijo nuedepori Edeke aswam. Epu itunga noi adepar arai aitosom ipolisin, ice kokerete kede asigirian kanu aisukunyaar itunga korotin tetere eong apedori adolere aiboisit. Mam eong abu kapedo aidokonokin akanin neja luadekak. Konye kabu eong elipak kes ainakin kes nginidiope aidokokin yenice akan.

Kwana...[Inera icetunganan neejai Onac Branham-Ekewa.] Eebo, abuni cut eong, bodo. Kwana, moi tupuruc...Kwana, lolo, ilosi do agear keda aingiseta, naarai kidumunit cut nuajokak. Mam eong ajeni apak naelosi Ejakait aidar oni kotomakec. Dodo, moi tupuruc arai Billy Paul, Gene, arai Leo, ediope, ajaun ne akorar akaadin nualip ageun isawan iyarei kitoni iyarei ka atutubet. Kwana, itunga lueponitosi kokinga na

etaun, inyek ber abongok eong bobo tetere mam yes kimurokinete. Arai ikotosi yes abunore okokoro, edolit do ber isio ajaun keda itunga lueponitosi kokinga na etaun arai epatana.

7 Kwana, aceparasia kane kokanisa imina adolokin apak naetemariata kesi ebe, "Ee"... Alemutu itunga luokinga na etaun, oyautu kes kuju...emin icetunganan atemar, "Ee, mam eong ajeni ibore yen erono kede kes. Acepak inerasi lem nuarokok." Dodo ijo alemun itunga luotaun; ebakasi, "Oo, acepak ijeni ijo kes." Aso ebakasi-elimilimitai, "Ee, alimokini yes, eraas akaadin nualip." Ee, dobodo ngun lumam edumunitos akaadin nualip. Kosodi kojaasi nginipaaran nee...

Konye ijenete yesi, alimonokini duc eong kiding naka erot. Acepak alosi eong aiyatakit kwape kwangin. Etamit nen? Ejok nen. Ejokuna nen. Alimokini eong yes inyobo ngesi. Acuma wok naineris ane mam ejokuna, mam ejok cut. Mam do bobo itamit kwape kwana aitetenar da, naarai ikoto ber kodukunai Eyekalu loitetet katipet. Dodo elalaar abois (itei ijo?), ageunete do aitanyanyar aboisit kinga mot, kasodete aibikakin aiboisio ace, etetenarete do ariamuneta naijaunor kakes.

8 Dokwana, kiitunite, epote isap, ediopet arai iuni akorar akaadin tupuruc kiding isawan iyarei arai iyarei katutubet. Einakini do nginitunganan arereng na aiboikin kinapakina ejok. Ajai eong einer epone lokoraret akaadin, anuinyo isoma ngun. Erai kanu aidar ainapeta. Itei ijo? Kwana, arai abu eong ne, kwape nat kwape kwana kasodi atemar, "kocamakisi aberu *na*, aberu *na*, keda etunganan *ngol* ka aberu *na*..." itei ijo? Eraun ngin ibore yen etiono. Itei jio? Dodo kwana, araijo...irwan nuipu esoma eong ngun. Dodo arai mam ipu tupuruc, amina eong asom ngupengun. Akoto atemar, "idibo itunga luejaasi ne eponitos kokinga naka eibuga kojaasi keda ibore yen erono kakes, kobwoata."

9 Onac Mercier, ibuni ijo ayuun eong. Ibuni jo aingarakin eong? Oo ibuni jo...ebuni ngesi toma ayuarieke elopet. Enerakina eong keda apaperokon lolo. Kwana, ekot ijo araut loijok noi neajai eong. Iteijo? Ejokak kere. Ejokuka ngun. Aminakit eong atiting ngin Onac Leo. Karai mam erai abeit, adumutu nges koipone aloibecokino loijenja oni adumun nges, koipone aloejoknoi loipedoro oni.

Dokwana do, kojenu ber jo itunga lueponitos kokinga naka etaun ikiasi akec kanin karai ejai kesi ibore erono. Aso kobwo kanepanen. Kosalite tirtir neejai idiopet tunganan kitoni negeara Emoyo Lokalaunan aswam, keda aikamar ebiina kere. Idibo eponitotor ne kosodete aanyun ngun isomasi kane? Cut! Iaany ijo, iteijo? Mam epodoi eipone bani ejaunor

10 Akoto eong yes aiitun nu, abuni eong aitam abongokin bobo tupuruc. Imo, Eijiri loeinakitai kes erai Eijiri laiyuun, mere loka aswmisio cut. Iteijo? Kwape alimunitor eong akwaar nabian. Nadoikino Emoyo Lokalaunan, koPentekost, nakelosioto kesi Oyudayan (Aswamisio 19:5), ajai aidokokin kes akanin tetere edumunete Ngol. Konye nealosioto kesi Osamarian, ajai kes aidokonokin ngul akanin. Konye nealosioto Omo togo loka Korunelio, "Naperinga Petero inera ngun..."amame aidokokinio naka akanin.

11 Naatwania apese, akooke Yairo, kotema esaseredoti, "Kobia kidokok nges akanin, ejaruni." Konye neatemaria ekayaiton loka Iromayon, Emoite, ebe, "Mam ibusakinit ijo abunore togoka, kolim akirot bon." Nges bo ngun. Iteijo?

Aberu na Siropoenike, arai ngesi Ayonanit, kolimokini Yesu nges, kotema, "mam ejok alemun inyammat luka idwe acakakin ingokwo."

Kotema atiar, "Eebo Ejakait; konye ingokwo da enyamete ararasia nuedounenete komesa loka ijaka kec."

Kotema Ngesi, "Kanu alimunet kana, anyoutu ajokin kaneejai akookon."Kiner do iboro luajokak. Kiner nuajokak nuikamunito icetunganan. Kiner nuka Yesu. Kolimunenei nukajokak, ibore yenikabeit. Ngon nges eipone loirutaret ajokin. Mam abu kotema-mam abu kilipak apese. Mam abu kolim idiopet bore yenikamunit angaleun naka apese; abu kotema atiar, "Kanu alimunet kana, kanu alimunet kana..."

12 Kapaaran kaya, mam Hattie Wright abu kingit ibore yen emamei. Eboie ngesi kanen, konye abu kingit ibore yenikabeit, yen abu isiyalamik Emoyo Lokalaunan. Kosodi Emoyo Lokalaunan abongokin kobala, "Hattie, kingit idiobore yenipuda ijo, ibore yen ejai arai yenipuda ijo. Kojen ber ijo karai erai ibore yenikabei arai mam. Kingit idiobore kere (angaleun kiinacike nadidi nangwalit kiboie kanen esukit cut; ilukumun itomon luka isirigin luka Amerika luidarete nges komam bobo elosi akoru kuju oukono ngina; ainyakakino naka akuanake kwape atumunan); idiobore kere yenipuda ijo aingit, ingitu kwape kwana. Arai mam Ngin ebuni ainakin ijo kwape kwana, apolouke arai do eong enabi lokaingal." Erai ngin ibore, mere kwain?

Kotema Yesu, "Kolimok erongat lo..." Ido ipupunit ijo nuapotu kotakanutu; erai ngin aijanakin najjai oni alomar toma. Ijai oni toma orot kwana. Eyapie abongun naka Ejakait Yesu. Ibusakinit oni ajaut kede aiyuun naewurupori kotoma Okanisa loipedorio aijulakin kotoma airwakakinet naka akongu alosit kinga, karaimam mam do oni ilosi. Konye mam ipodo, ejaun ngina. Ejaun ngina. Dodo naikeunor apedor naka Ekanisa *kalo*, eyangauni ikeinacan; ikeun apedor naka Ekanisa *kangon*, eyangauni ikeinacan; apedor naka ekanisa *kangon* eyangauni inacan ice; akaul kangin kojaun ajarun naka itunga kere. Ijai do idarit ngun.

13 Kwana, sirikimurok, akadin nuka ailip tupuruc isawan iyarei kitoni iyarei katutubet. Aso engisi do eong kesi ibore yen ejai toma, koraun do anyekikin aikor akaadin, koraun bodo abongor kau, aiboikin kwap (iteijo?), naarai acepak adautu akorar akaadin kere kapak kangin, epote isap ainyalinyal akaadin kere koingaren kus, dodo arai ikoto ijo adiopet, ikotojo adiopet, arai nuiyatakina kwain...dodo abuni eong toma, erai do eong...nepelimokini eong Ejakait ageuna...aso arai ketema, "Mam inyarari cut," mam eong anyarauni kes cut (iteijo?), eipone do lope ejaunotor.

Aso arai eong...aijanakin ngin euta adaun; ejai do kwani ibore yen epol euta abunore toma. Kiitunite, ebe ngun elimonorere akiro ngun kotut kalo arai kotoma olutari kalo, ido mam ibiroro ageun. Iyitutos yes aijanakin naekamunit Akan? Koany nuabu kisoma? Aomisio nuka itauon, koany nuabu kisoma? Aso kosesen nu: kiner Akirot, kosodi ajenun nuiswamai. Iteijo? Abu eong alimok yes kokaru luokau-Ekanisa (Enerasi eong kede eyekalu)-ikaru kokau, ikaru iuni arai iwongon kokau, ajai ibore yen euta aiswamaun; ejai euta atakanun. Aso ejai abilun toma nekwana kanu...ejai aitetenaar elope bon. Kwana, ilakara isio kanuangun. Oo, eipone loiyalamar isio. Epol ailel.

14 Kwana, idumu aingiseta ace nuidulok kane, ikoto aitegear kakes. Ejai itunganan yen abu ite itabon luetingit eong. Abu kotema, "Ee, etunganan loeberiang ipuda ediope bon." Konye eong mam arai etunganan loeberiang. Ejai do eong adakit luipu kanu aireonor. Ee, loitacauni Ayonanin, ido lo erai Ebaibuli, kalo erai eitabo lokaitetemuunet nakiro nuepolok. Aso erai a... ilosi ber aingit Ejakait aingarakin oni kaingarenikin da oni kanu abongonokin aingiseta nu cut kotupitete akote Ke naka Edeke ka Akekirot.

15 Do kwana, etuluroto akwes wok apak naedit kanu ailip. Ejakait, epol isio ailel neijai Jo kotoma aidules naka ikositauon kanu angun nuiswamak ijo isio kotoma akwaarasia nuokau auni. Oo, aanyun airiamun naejanakinak kagola naokau ijangete akanin, kede aiyuun naiteteunitai, kede nuitetiak nutupan. Isimun nuenomunitai...kaitauon wok lualelete, kaitunga nuadumunenete Emoyo Lokalaunan Akaul na kes aanyun Akonikirot, eipone loinerar ngesi cut adokena nuitori kanuadumun Emoyo Lokalaunan. Epol isio aiyalama kanuangun, Ejakait.

Iinakit ijo iboro epataka kanukosi, naarai irai isio itunga luepataka. Ilipi do sio, Edeke, ebe iinakinijo isio araut itunga luipataka duc. Naarai erai...epone kanat kangun nges luyapepearos ikeunete. Ido acoa naka akwap nges abanganut kane ejai Edeke; ngun apotu kitelelata Edeke kanu abanganut nakalimonokin aitajar ngun luewoloritos.

16 Dodo kwana, Papa, ejaasi ne toma akaninika aingiseta nuingsitos itauon lumunon luepodokinitos. Abongokin adiope kakes erono emina acakar etunganan orot lokaronon, acakakin akim nakaronon toma aingiset naitapasi kes. Kanuka ngun Ejakait Edeke, elipi ebe ebuni Ekonimoyo Lokalaunan neija isio kosodi aisidedeleun iboro lu, naarai iwadikatai toma Okokoron, "Kilipa, kiinakinio; komoata, idumunete; kikungukungoto, kingaikinio." Ngun nges kiswamai kwape kwana, Ejakait, aikungukung ekek Kon lokaitim. Aibwo koma otoribeKon Loka Edeke loetube, kingaingai kanuka Aokot nuka Kristo loka Edeke ka Emoyo Lokalaunan.

Dokwana mam isio ibunit lolo naarai kidau akwaarasia auni nuka alimonokin naka Emoyo Lokalaunan, kibuni keda aidules naka ayongit kamunonut. Ibunit kosubite bala lolo nges akwaar naka awasia nasio ajaut akwap. Kibuni keyuunitos ebe ibongokini Jo ailipasinei kosi. Kwana Ejakait, kilipi isio Jo aisimonokin isio keda aKoniijar na ikaru kere. Dodo kotoma abongokin naka Akonikirot, kingaingai Emoyo Lokalaunan... Oo Edeke, kwape kidauna ajenun ebe ijai Ijo tomakosi, ilipi ebe ibuni Ijo aitacaikin isio lolo iboro luipuda isio. Kwana ipuda isio bon ebe ejaunos ikositauon kede aibworar, ka akosiwomisio kede ainapakina, ka ajaut aiyuun kotoma ka Edeke alosit ngaren aiburaun arerengusio nuabu Ngesi kisumun. Kilipi nu kotoma Okiror loka Yesu. Amen.

17 Kwana, ajaasi eong keda aingiseta kere nuainakinitai eong, kilema adiopet. Kasodi eong abongokin Onac lodidi Martin loabu engit eong aingiset akware ya, adiopet bon. Ajaasi luepu ne akwaare nabian, konye arai ailip naipudesia. Kosodi Onac Martin aingit eong angiset kotoma Yokana 3:16- arai Yokana 3, eyuunit eong, kotoma, "Dimikito keurii etunganan keda akip ka Emoyo, mam ewanyuni Ajakanut," kosodi aituput kede ateepu naka Iburanian naabu eong kejuka kinga. Kasodi eong airiamun ka nges agola naokau atibong nabian, dodo eringa eong edumuna apak abongokin nges, esisianakini do bobo eong kotoma akirot ngipengin.

Kwana, ejai icetunganan nee yen amamei bian kwaare? Awanyutu akusikanin, luamamete kane akwaar nabian. Oo, arai, korai ti kojauna ngesi da keda asio. Apotu ajaunos keda apak napol aibuses. Emoyo Lokalaunan...

18 Amina eong, kanu edakika ediope...mam itipipili. Ikamio nu. Arai ejaun edio ejanakinan - arai etunganan lomam ecamararos kede nualosi eong alimun arai kotoma aingiseta, elipi, onac, ebe mam iomoomoi ebe itegelikina, konye kiitute ebe ateepu naikamio okanisa wok kane. Iuta aisisianakin iwok tunga. Ejanakinak lukaiyuuneta nuiipu iboete kane. Akoto eong alosit toma akou nakiro bobo, ejaasi ice kotoma otunga wok lumam apotu kopedosi alomun toma bian kwaare luetei eong ebe ejaasi lolo toma. Akoto ber eong aitor toma apak adio, arai icamutu yesi, kotoma anuabu eong enerite bian ebong; ngun

Nuopentekost, naidumunia Emoyo Lokalaunan.

19 Kwana, asiomun kotoma oitabo lobe Emphatic Diaglott loitacauni aijul naka ayonanin, kane ajai eong bian ebong, neipukoro koingarenika kwape kwana. Ngin nges aijulunet naka abeit namusugun kotoma Ayonanin. Mam itori toma ikejulak ice, erai-kaijuleta ace, erai cut kotoma Ayonanin kitoni Amusugun. Kwana, akiro nuka Amusugun, irwan nuipe ejaasi keda apolou naka akiro kangun, kwanat apedoro eong alimun kwanata, abao naelal. Iyanga ijo akirot ngin abao naelal. Itemari ijo, "ee, abala ngesi ebe mam oni iteleli nges." Mam! "Oo, abu-abu kotac akebaot." Mam! Ee, nges..."erai abaot naotoma osiep loka ekai ke." Ee, iteiyo? Arai icekangun...ejaasi aagon arai akany akiro nuegelegela nuipedori ijo aitosom; ekot ijo aitosom ekokoro kere. Akirot koany. Koany akepolou "amisikin," kotoma Amusugun. Angolol akepolou "atukot naka akipi." Koany akepolou "aite" iteiyo? Konye kotoma aijul, akirot naitosomatai, nabu eong enerite bian kwaare kotoma Aswamisio esuula 2, nebala, angajepa nuka akim kiboikinos kuju anginidiope kakesi..." kwana, akoto ber eong abongor kau mot. Karai ipedorete yesi, apak adio, asodete ainyogoor apak adio eringa oni keloto iingaren?

20 Kwana kopukosi yesi kotoma King James kus arai aijulunet adio kere naisiomia jo kotoma...Ido akoto eong asiomun ngin. Ido kopupokisi ejok noi kwana. Mam imisiikinite erono. Luipu lolo, karaida iinacika, apotu luipu kakesi kinomutu isimun, kobalasi...Ajkt. Morgan...Luipu kakesi ajaasi atiibong nabian. Erai Ajakt. Morgan adiopet kotoma ainacanawok naponi kojalai; ido ajai ngesi olisit loka luatwakata ko Louisville adaun ikar itomonakany kape, itomonakany kaarei luatuboros kede ekansa. Aomit eong iboie ngin kokau kane bobo akuare na. Mam nges apedori apupun, abala ngesi, naarai enera eong toma naka acuuma nainerare. Ido kanuka ngul akoto eong aitor bobo toma kana apak naedit. Kwana asiomi eong kama kaNaiwadikatai kana naka Aswamisio 2:*nakedolio apaaran naka Pentekosit, kejaas kere nepepe kotoma aomisiot adiopet...*(Kwana, alelakinit eong ngin itia nepepe: naarai ipedorete yesi ajaut nepepe kanuka akirot adio kere, konye kane araasi aomisioket nuaputosi)...*aomisiot adiopet ido kotoma aiboisit adiopet.*

Kongesun airuruma kokuju bala ekwam loekusi kagogong, kilelebun etogo kere lokiboito. (Mam akukosi, mam elipete, konye eboiete.)...

Angajepa nuatiakatiaka...(A-n-g-a-j-e-p-a-angajepa. "Nuatiakatiaka" a p o l o u k e , "atiakak.")...Angajepa...*kotakanut angajepa mamakec...bala...akim, ido adiopet...*("Adiopet," mere nuipe)...*kodoik nginidiopet kakesi.*

Kosodi kilelebai kere...("Kosodi," arucokinet)...*Emoyo Lokalaunan, kogeut ener angajepa ace, kwape keinakinia Emoyo kes einer.*

Kejaas Iyudayan Yerusalem, itunga luyapaaritolukepote kanginiteker nakokwap kakuj.

...kosodi nakiirare airurum ngin, kotukokinos ikodeta, koriengutu, naarai abu nginitunganan kiira kes inerasi angajepeke.

21 Kwana koany! Nabunio akim, kerai angajepa; naeneratar kesi, arai angajep. Kwana, ejai atiaketait naepol kiding angajepa keda angajepisinei. Kaneok eputosi. Konye, kotoma Ayonanin, "angajep" akepolou nata. Akit nges nata. Iteiyo? Mam ngin erai angajep; akepolou nges ebe erai idiopet kotoma akuan nges angajep. Arai kiany ijo, ijulitai *angajepa nuka akim* akepolou "kwape angajepa," kwape aimielaret naka akim, akim naebirani. Kwana koany aikeseunet kwana. Ido anginidiope kaiboisio kangun kwana, sirikimurokisi ngun.

Kwana, ilosi ayangaun abolia naedit lolo. Alosi eong aosikin keda yes. Kwana kiituto, karai erai ibore yenitegelikina, eraasi ngun nukus. Konye ediope eipone bon loepedoria idiotunganan adumun ibore kane ejai Edeke erai kanuka aiyuun. Ido eroko ijo epedoro...

22 Ekoto ber eong ajenun nuesomai eringa eong edumuna aiyuun kanuka nuesomai eong. Kanuinyo idukokiner ijo kede akon aberu? Ajai ijo aiyuun neke. Obu ijo itemite nges, iteikite nges, obu ijo koany nelomutor, ngaibo ngesi, eipone ngopongon keda ikokoron da, kede Edeke. Nges iswamai aitapoeta, Epir loka Akim, iboro lukere, naarai abu Edeke isumunite. Edeke nges ebal. Eyiir eong Nges kotoma Akirot Ke kasodi ajenun ebe abeit ngun. Ido ijo aitup aKekiro. Arai ejai aitotolikinet adio nenice, apolouke ejai ibore erono kanenice. Naarai epupi Edeke - Mam Edeke iswamai Nges bon - arai aitegelikin iKekisila. Mam aiporoo ebuni kamu, ido mam akamu ebuni iiporo. Mam akwii erararos kwap iiporo obongunete bobo kamu. Mam ijo ipedori ainakin kes.

23 Kwape alimunitor eong bian kwaare nuka atanin nuka artesian, aicokicokia iraanakon. Arai ibwoi ijo kane kokiding naka eisaawe, korai aiboisit kere nairiono cuc, doodo ijo atemar, "Oo akim naka ekipiei naepol agogong, ajeni eong ebe ijai jo toma oisaawe. Dodo kwana awoliorit eong, mam eong ajeni nealosi eong. Oyau aica, tetere eong ajenuni eipone loepatanar alosit! Ejai akim naka ekipiei naedolit aitacaun eisaawe lo." Abeit ngun. Eebo, ipa! Ejai akim naka ekipiei naedolit aitacaun agola na komamete agilopun da, komamete ngun. Konye ekotokin ijo ber aisipedor nges. Kwana, ipedori ijo elulu kitoni ijo akurokin,

mam cut enokuni . Konye arai kiswama jo kotupite ikisila luka akim na ekipiei, idumuni ijo aica.

Ee, eipone ngol ejaar kede Edeke da. Edeke nges Ekasuban loepol loka akuj ka akwap, nges ngopengon bian, lolo, ka ikaru kere. Esalit Ngesi erai Edeke. Konye iswamai bon Ngesi arai itupit ijo iKekisila kede aKeicorakineta. Ipapero, alimuni eong nu: mam eong awanyutor ekurori, do mam cut.

24 Kwana, awanyutu, Yesu kotoma Luka 24:49 adaunit aiyakiar ikiyakia akaul na kes aiyuun ka aitalaunio kwape iwadikaterere kotoma Akirot; itojokaritai kanu aiyuun Ejakait Yesu; kitalaunete kotoma Yokana 17:17 natemaria Yesu atiar, "Kitalau kes, Papa, kotoma Abeit. Akonikirot nges Abeit." Do arai ngesi Akirot.

Kwana, abu koinak kesi apedor aitangale lukadekak, airenge ajokin, aitajar lukatwak; kosodete abongun iyalamasi, kosodi ikirora kec ajaasi Oitabo lokAijar loka Imerekek. Kiitu ijo eipone loidauna oni nen kwana. Konye mam ber ebelokino. Koby Yesu kolimok Petero akwaar na aibubukinio Ke; abu kotema, "Akaul na ijo aijulakin, aso itigogong ikoniinacan da."

25 Emoyo Lokalaunan nges...Iiyuunit ijo kanu Aijar naka Ikaru kere, konye naebunio Emoyo Lokalaunan erai Aijar naka ikaru kere. Kiyuunit ijo kanu...Irai ijo loeruunit loka Emoyo kotoma aitalaunio, konye mam iuritai kede Emoyo kitoni Emoyo Lokalaunan abunore toma. Abeit ngun. Ejaatar imukeru kede aijar kotoma akoik naka totoke, emaranete imoori ludidik; erai aijar. Konye erai aijar naegelara naiyengara ngin eiyengane loka aijar kotoma okumes ke. Erai naegelara. Ngun nges erai ngesi, erai...

Onaceka lominat loko Methodist, ka Pilgrim Holiness, ka Nazarene, aibatisao naka Emoyo Lokalaunan egelakina kede aitalaunio. Aitalaunio nges ailongario, naerai aitemonokin naka Aijar. Konye na ebunio Emoyo Lokalaunan, erai Aijar. Aitemonokin nges aitalaun amot; Ejai Emoyo Lokalaunan aileleb amot. *Aitalaunio* akepolou erai "italaunitai kagitar awai kanuka aijaanakin." ibwaikitai Emoyo Lokalaunan aijanakin. Irai jo amot naitalaunit Edeke.

26 Kidumuni oni ebe Emoyo Lokalaunan erai Edeke Elopel kotomakon. Ajai Edeke kuju kon kotoma Opir loka Akim ka Musa. Ajai Edeke ka yes kotoma Yesu Kristo. Kwana ejai Edeke tomawok kotoma Omoyo Lokalaunan. Mere idekesio iuni, Edeke ediope iswamai kotoma oyapesin iuni.

Edeke ijesun, abunore kwap kama kokuju naka etunganan. Mam ngol apedori atiror Ngesi, naarai adiakarit kotoma omanikor loka Eden kosodi atiakar kotoma aimor. Inyobo obu kotakanu? Ajai Ngesi ajaut kuju ke. Aokot nuka imongin ka akinei mam apedorete acamakin Nges aimor kede etunganan bobo; konye kotoma okisila ka aicorakineta, araut etoribe loka apak na naebunit, naka ainakineta nuka imongin, kaice da, ka amerekekin...Dodo neabunio Edeke kwap koby kajar kotoma akuan naitalaunitai, nauruuni aberu nabekot, Edeke ngol Elopel...ijeni jo nuabu Edeke kiswama? Mam ibore koby kiswama konye... abu kibwaik EwemaKe kiding wok. Abu Edeke iboie kotoma owema loanyaritai Yesu Kristo. Koby kosipok EwemaKe kede oni, koby oraun...(alosi...eong alimonokin kotoma angun tupuruc, kanuangun awosikisi ber kwangin.) kwana, erai- eipone loabu Edeke kolomara owema- kosodi aijar kotoma wok...

27 Dokwana ejai Edeke toma wok. Abu Yesu kotema kotoma Yokana 14, "Kotoma apaaran angin ijenunete ebe ajai Eong toma Papa, Papa da tomaKa, Eong da tomakus, yes da tomaKa." Edeke kotomawok. Inyobo alosikinet Ke? Aitodolikin ainapetaKe.

Ajaatar Edeke keda ainapeta. Akoto Ngesi aswam kotoma otunganan, kosodi ayangaun kotoma opir loka Akim, naarai akim namam idopori naekajakina kuju naka idwe luka Israel. Dodo Akim ngipengin koby kitodiar kotoma akuan naka Yesu. Abu kotema kerai Ngesi akim ngin. "Eroko Abraham, kAJAI Eong." Arai Ngesi Akim. Abu kotema, "abuni kane ejai Edeke, abongori neejai Edeke." Akaul naka atwanare Ke, aidayo, ka ajarun, apotu kiriamunos ka lokalaunan Paul kotoma orot - oroko ekekiror enyaritai Saul - kotoma orot alosit Damasiko, kosodete ainyakun nges kau toma Opir loka Akim. Abu Aica koyara akonyeke. Abeit ngun.

Ejai ne lolo, Epir ngopengon loka Akim, Edeke ngopengon iswamai aanyuneta ngupengun, aswamisio ngupengun. Kanuinyo? Kiswamai kokiding naka iKetunga. Ejai tomawok. Ejai kajo kopekwana, "konye ajaun Eong tomakon. Ajaun kajo, tomakon da, kitoni angetakinet naka iboro," kitoni awasia nakakwap. Ejaun Ngesi kaoni.

28 Kwana, koany, adaunit Yesu aiyakiar kes alosit Yerusalem aidareun. Akirot *asalakin* apoluke "aidareun,"mam erai akepolou ailip, "aidareun." Amameatar ber keda nulimonokina, naarai ajenete bon aKejarun kwape Etunganan, lo asesenete kesi kokinga. Abu kicorak kes mam alimonokin bobo, mam aswam idiobore kitoni ber neijesakinar kes apedor naebuni kokuju.

Mam eong eyuunit ebe ngol ekalimonokinan erai Edeke iyakuunit arai ebe epedorio adakakin kopone loejokuna...naarai emamei Edeke esange. Ido ibore iswamai Edeke irwan atipet, iswamai kopekwangin duc. Kwana, arai mam Edeke einakini kes alimonokin toni nedolioto Pentekosit ka adumun atiroret naka Pentekosit, emamei etunganan, arai caat kipudakin ngesi elopet arai erionget ecie ijukarit nges, ejaas kapedor alomar opulupit toni neilelebunor ngesi kede Emoyo Lokalaunan. Abeit ngin cut. Naarai ingarenikit

ngesi kes keda acowa naijen naka erionget kitoni neilelebunotor kede Emoyo Lokalaunan; kosodi do, einakini ngul inyamata luka ajele, *Imerekek Kede Ajele*, kwape kineritor bian ebong.

29 Kwana koany, abu kotema, "Koloto Yerusalem kosalakis ngina; kidareutu kitoni nejukunia Eong aisumunet naka Papa." Dokwana, inyobo do apotu kesi iswamata? Araasi kesi kere akwatat akaisaarei, ikiliok ka angor. Kopotu koloto toma agola nakokuju naka eyekalu.

Kwana, ayapie apaaran naka Epucit loka Pentekosit, kotoma aitalaunio naka aiboisit nakalaunan, aario naka imerekek yen epaska kitoni abunore naka Pentekosit, nuaraasi araito nusodit nuka aidweny, eyubili, eyubili loka Pentekosit. Ido kotoma aduketa...

Kwana, alosenen eong akwapin. Akwapin nukokide mam etapit ajaut keda amadalai toma kai. Ajai amadala kinga. Kinga naka eyekalu, kilimokitai oni, ajai amadala nalosi kuju kitoni agola yenididi kuju noi; alosit kuju, kwape esitowa kokuju naka eyekalu, igola yenididi, kagola nakokuju. Ebala Ebaibuli ebe ajaasi kesi toma kogolol ikekia, naarai akuriaka kesi Iyudayan, naarai tikiriyasi kesi awai kanu kes aima Ejakait Yesu, akaul Caiaphas esaseredoti lopeti, ka Pontius Pilato, ka ice aiyar Nges. Alosete kesi alemar ngul kere Luanyaraikina kwape Ikristayon. Agolol ikekia, ido edaritos.

30 Kwana, kotoma agolaik ngun kwangin, amamete idirisan. Araasi idirisan lumam acamakitai kwape ikekia, iriuni ijo kes kanu angaar. Toma agolaik ngun ajaasi atalai nudidik nuekajitai konokete kidelosi... arai ilositor ijo California toma abois naenyamere konyaritete Clifton, kilot ijo agola naokwap, idumuni ijo naeputotor, kwape kana agola naka okuju. Ilositor ijo ngina? Idibo kotoma kane elositotor ngina? Etei eong itunga ijangete akwes. Ee, ijenete do yes nuenera eong. Abeit ngun. Kolot kwap ngina, kosodi jo adumun emanikor loka Gestisemane; eringa ijo iswama ngun, kolot ber jo toma adiope agolaik angun nukokide. Abeit ngin. Idumuni ijo itabasa yenididi ileleba akinyet naka olive kede eusi loepaaba ejai toma konoki.

Kwana, katemasi ajaasi kesi kuju ngina, edokete kokinga. Apotu kongopata nadolioto kuju naarai akuriaka iyudayan. Mam Yesu abu kolimok kes alosit agola nakokuju. Abu kotema, "kidarekisi koYerusalem." Ajaasi kes kwap ne toma kai, komam ejenete inyobo ebeit aisomaun. Naarai tiepedosi abunore alemun kes. Kanuangun apotu kolototo kuju toma agola namojong naedit, kuju cut nelilim, kangina, kopotu korida ekek tetere mam iyudayan epedorete alemun kes. Kopotu kiboyoto angina idaritos apaarasia atomon.

31 Kwana, kwana, ilosi kijai oni Aswamisio 1. Kwana kopupok ejok kwana. Idum ijo aomisiot? Kinga naka aduketait alosit imadala kuju, kosodete alosit toma agola yenididi. Kwape kotoma Oyekalu ajaasi inumunumete epucit loka Pentikost. Oo, arai apak naejok alosi ngaren. Kwana, neadoluna apaaran naka Pentikost, ajaasi kere toma aomisiot adiope, aomisiot adiope, kiyunitos ebe alosi Edeke aijukun aisumunet ngin. Ekot nginitunganan kotoma aiboisit na kojaikin toma aomisiot ngin adiope lolo kosodete aanyun nuetakanunete. Ejai ngun ainyogoikin. Erai aisumunet kwape ajaatar kesi cut. Itei jo?

Inyobo eswamaete kesi? Atupit aicoreta, atupit ikisila luka Edeke: "kidarekisi kitoni..."

32 Kwana, akuriaka kesi Iyudayan. Kwana, kiituto ngun. Akuriaka kesi Iyudayan. Kwana, kongesun airurum kokuju bala airurum naka ekwam. Mam arai ekwam loakusi noi; arai bala ekwam loakusi noi. Alosi eong aisiom aomisio kotoma odagikan idis keda ejulan. Arai bala ekwam loakusi noi. Kotoma akiro ace, arai ekwam loaumokin (Oo!), ibore yenipedor atiror. Ajai ekwam toma kec. Kobuni ekwam lo-loakusi noi, bala ekwam loakusi noi. Mam ekwam akusi noi, konye apupo bala akusi noi, bala ibore yeni elosi: Whew! Konye kobu cut ijo opup nges? Oo, loka! Bala ekwam loakusi noi. Kwana kosesen. Kosodi aileleb...kwana, kotoma ane abala "kes kere" konye kotoma ayonanin ebala "kaileleba (A-I-L-E-L-E-B-A), ekai kere," nginiboisit kotoma anen. Nginacilasit, ekoona, kaipany asubit bala ileleba kanges. Mere atemar, "Atemar, inacan, ipupete yesi nuapupi eong?" Mam! Adauna kere, bala ekwam loekusi noi. Kwana kosesen. "Kobuni airurum kwape ekwam loepol loekusi noi ka (arucokinet. Kwana kosesen ngun nuka "ka's". Arai mam, iinakini jo Ngin einer icebore yen mam Ngin inera. Itei jo?) Arai kwa nat (ngun nuapotu kotakanutu nasodit arai airurum, icebore kwape ekwam loekusi noi kokuju kec) ka (kiitute ijo, bian kwaare alosit eong oiduuka kasodi agwela emugati ka akiring. Erai ngin ibore yen abu koupakinos kangin. Emugati nges losodit, akiring nges ace. Airurum nges idiope bore yen abu kinom kes) kotakanut nejaas kesi (kakonyen kec) angajepa - nuketiakatiaka."

33 Ewanyutor idiotunganan kane Cecil DeMille's *Ten Commandments*? Imisikit ijo naewadikaere aicorakineta? Eipone loabu ngesi ikamuna kes, mam eongo ajeni. Ajaasi iboro iyarei arai iuni luapotu aminakisi eong luabu eong awany kotoma. Yenisodit nges aica naelorei napiria, eputosi cut bec. Iteijo? Icebore naewadikaere ikisila, akaul nangetakinere, kobu ijo kowany Epir loti loka Akim eporori, ajai araratoi nakakim eporitoi awai? Kobu jo owany ngun? Kwana, ngun aomit eong ajaasi Pentekosit. Kotakanut neja kesi...ido kopedorete aanyun kes. Mam abu kotema, "Kodoiknete tomakec." Konye kotakanikinos kesi araratoi(inyarai kes), angajepa, kwape angajep kwanat akangajep, aput naka angajep, araratoi naka akim. Kwana, akit-kwape atemara, akit nges akit; ebokorit nges ebokorit. Ebokorit mam eong abala ebe obujo opup nges; apolouke kesubit bala ebokorit. Kosodi arai erai akit, mam eong abala

ebe apotu kopuputu; asubit bala akit. Arai na akim naputosi kede angajep, mere itunganan yenikinera, akim naputosi keda angajep.

34 Kwana, opupok. Kosesen eipone loesiomata Iyonanin nges kane: *Kongesun airuruma...bala airuruma naka ekwam loekusi kagogong...*(ekokoro lo 3)

Kotakanikis kes angajepa nuketiakatiaka,...(Mere angajepa nuetiakatiaka ajaasi tomakec, araiboot ebe kinerasi ngul kangajep naetiakatiak; kerai angajepa nuketiakatiak kes kepotu kotakanikinos kes. Kwana, kosesen. Emamei ber kane ejaasi kesi. Ejai toma agola, irimirimi kanen bala kotoma okwam kalo.)...*mamakec...bala...akim...angajepa* nuketiakatiaka...*kotakanikisi kes...*(eringa kes)*kwape...akim...* (angajepa nuka akim) ka adiope (mere nuipu) abu kosipokin mama *kanginidiope kakesi*.(Mam abu koloma tomakeci; konye kosipokin kujukec.)

Kwana, koany eipone lo ecakara Ebaibuli loka King James ngun awai: "Kodoikis kes angajepa nuketiakatiaka, arai kosipokin (eipone bani esiomar angina kotoma King James?) kosipokin kuju kec." Iteijo? Kwana, mam apedori alosit kuju ngina do aiboikin kwap. Ijeni oni ngun. Konye losek ebal, "kosipokin kuju kec." Eyuunit; mam erai kwangin? Inyek bere alemu eong kwape ejaar cut. Eebo! "... kosipokin neejai nginidiope kakesi." Adiope angajep naka akim kosipokin neejai nginidiope kakesi. Koany nen? Imisikit ijo ngun? Ngin nges ibore yeniyareit yeni obu kotakanu. Yenisdodit arai ekwam, kosodi atakanun naka angajepa nuka akim.

35 Kerai toma agola yenididi yen kane ka atalai nuagirisi nudidik enokiete. Koomom iboiete kesi kokuju angina. Kotemari ediope, "Oo!" kirere aduketait kere; ajai aduketait kere. Kosodete atemar, "kosesen!" angajepa nuka akim egearete abunore airimun aduketait. Kwana kosesen. Kotakanunete do angajepa nuka akim.

Kwana kosesen naetupakit;

Ido (kotakanuni bobo icebore.) *kilelebai kere ka Emoyo Lokalaunan...*(ibore yeniyareit etakanuni.)

Kwana koany, ikoto aijulakin ngun abalasi, "Ajaasi kesi ka angajepa nuka akim, ka einer loingejengeja kotiono amisiikin; kolosete do kinga ageun einer kede angajep namam ajena." Emamei ibore kwana angin kotoma Okokoron, opapero. Idiotunganan yen inera ka angajep namam ejena akaul naka adumun Emoyo Lokalaunan iswamai ngun kitegelikina ka Ebaibuli. Ido alosi eong aitodikin yes kotoma odakikan idis ka aitogogong da neijai ijo ebe eyuunit eong einer ka angajepa numam ejenasi, konye mere idumuni Emoyo Lokalaunan. Erai ngin ainakinet naka Emoyo Lokalaunan. Emoyo Lokalaunan erai Emoyo.

36 Kwana kosesen. Ajaasi angajepa nu toma agola kwape akim, kosodi adoikin nginidiope kakesi. Kilelebai kede Emoyo Lokalaunan (ibore yeniyareit), kosodi do, akaul na kes ailelebio ka Emoyo Lokalaunan, kinerata angajepa, mere kede angajepa, kede angajepisinei. Ibu jo komisiik ngun? Kogearete einer keda angajepisinei ace kwape ainakina Emoyo kes. Kwana, kopupunus nu kokinga kere.

Kwana kosesen, kwana, alemutu ber bobo aitupuset tetere mam imurokini yes ngesi kwana. Kwape ejaar okokoron, kotoma agola nakokuju idaritos, kongesun airuruma bala airuruma naka ekwam loekusi kagogong, kodoik kes; arai ngon Emoyo Lokalaunan. Idi kayesi iyuunitos ebe arai ngin atakanun naka Emoyo Lokalaunan? Kwape ekwam, ekwam loka Edeke. Kosodete amisiikin. Ebe ajaasi angajepa nudidik nuka akim, akwatat kakaisarei kakesi, kosodete ageun ainapakin ka adoikin nginidiope kakesi. Arai bo inyo? Arai bo inyo? Epir loka akim, loarai Edeke elope etiakatiakaun toma otungaKe, kobuni toma otunga. Ajaatar Yesu kere; ajaatar Emoyo loemamei aitemis; kidumuni oni kaitemis (iwany ijo nuabala eong?), naarai Kirai oni idwe luitaraunitai. Akeijar - Akeijar naka Ikaru kere ajai alomun. Kwana, inyobo kobu otakanu? Kere aponi kilelebai kEmoyo Lokalaunan.

37 Kwana, akoto eong aingit yes icebore. Iworibo ageunor eemut? Korai kesi alomun kinga agola naka okuju aijesar kwap alomar toma alarieik nuka ere loka ekabaka - arai kinga toma - toma alaro naka eyekalu, naarai bala etogo ediope loka eibuga kaneajaasi kesi, adokar kuju kede kwap, kinga naka alaro neatukokina itunga kere nepepe... kolomunete kinga kangina kosubito bala amerasi - kwape kalu ejaasi toma Omoyo. Kotemasi itunga atiar, "ilelebasi itunga lu keda ebino loitetet." Mam awanyutotor ibore kwanat kangin.

Kotamite nginidiope kakesi atemar, "Abu Emoyo Lokalaunan. Ejai aisumunet naka Edeke mamakang. Elelebunos eong kede Emoyo Lokalaunan." Doodo nges araut Egalilayat, etunganan loenera ngesi mamake, Eyarabut arai Eperesiati, abu kopup nges kotoma angajepeke.

"Inyo bo ainaki oni aiirar (mere angajep namam ejena) - inyo bo ainaki oni aiirar ngitunganan kotoma angajepewok nakiwuriere. Mam cut lu kere luineras eraasi Igalilayan?" ido acepak inerasi agalilayan...konye napuonoto ngun, arai kotoma angajep nawuriere. Arai mam, akoto eong ijo aingit eong - abongokin eong aingiset na: eipone bani anyouna Petero kosodi ainer Agalilayan, kosodi atukot kere apupun nuabala ngesi? Itunga ilukumin iuni aiyuun Kristo kanep kanen konye kinera Petero keda angajep adiope. Abeit! Kerai Edeke eswamauni aumokinet. Petero, nejai ebina ediope loajaasi itunga

luiboiete koMesopotamia, ka ikalotok, ka ikebelokinok, ka ice iboro kere luka akwapin kere abwoete kangina...konye Petero aibwo kalimonokin kotoma angajep adiope, ido ngitunganan apupun nges, ido itunga ilukumin iuni aitoronikin ka aibatisaun Kokiror loka Yesu Kristo isawan ngupengun. Eipone ani?

38 Koanyutu, ipapero, mam eong amuno onaceka, lokodiini lokaPentekosit acamun ngun kwapekwana. Konye kotup ber jo ngun kotoma Obaibuli kosodi alimokin eong adiopak napotu itunga kodumunata Emoyo Lokalaunan kosodete einer angajepa numam kes ajenete arai akiro anyoika ngun nueneraasi kesi. Arai erai ngol nges eipone loapotu kwi kodumuniata kangina, Edeke ekayaiton lokiara kakere...ejaun aiswamaunun kanginipak koipone kangopekangol.

Koany, mam eong apedori...kwana, kotoma togo loka Kurune-...iitunit oni, nailosio oni Samaria, akwaar nabian, apotu ajenutu ebe emamei ibore yen iwadikatai ebe apotu kesi kopuputu kotoma angajep ace, emamei ibore elimunitai kotoma angun. Konye nealosio togo loka Kurunelio, neajaasi atekerin auni nuka itunga, apotu kinerata kotoma angajepa. Dodo naeswamata, arai iswamatos, apotu kodumutu Nges, abala Petero, kopone lope apotu kesi kodumuniata kageunet. Ido ajenete kesi ebe apotu Imo kodumutu asianut kane ejai Edeke, naarai apotu kodumutu Emoyo Lokalaunan kwape kakesi kotoma ageunet. Ejai do eong aingiset ne, ibore ice kotoma angun kotoma odakikan idis. Akoto eong apesikin apetetait tetere ijo iwanyuni ibore erai ngesi.

39 Kwana, mam eong amuno ebe itunga luisisianakitai egelara...ido kopupokinai eong, luminan ka, luetia, inacan luka Pentikost. Mam eong esisianakini nuokinga. Eraasi nu...mam eong eswamai idiobore yeneyauni abunokin. Konye arai mam oni idumuni abeit, eipone ali ilosio oni agear? Ekotokin ibore kotakanu kane tetere eriori oni. Ekotokin oni adumutu asianut naka auruporio kane kwapekwana. Ejai abeit abunore.

Nunyoika ti kiswama itunganan arai erai ngesi ekiming, komam inera da, ido komam epedori einer cut? Epedori adumun Emoyo Lokalaunan? Dobo orai komameatar angajep, kokoto ngesi aiyuun? Iteijo? Erai Emoyo Lokalaunan, nges aibatisao. Dodo kwani, ainakineta nukere kwanat einer kotoma angajepa, aijul angajepa, erai akaul najo alomun toma akuan kotoma aibatisao naka Emoyo Lokalaunan. Naarai ainakineta ngun ejaasi toma akuan naka Kristo.

40 Kwana, ibore abalar eong... kwana, kosesen ne, iomit ijo epedori Ekanisa loka Atulik, loerai losodit aiswamaun erionget kotoma akwap kere Akaul naka ikiyakia...kotupakini Ekanisa loka Atulik aisomaun erionget, oo, ikaru akwat akaul natwanare naka ekiyakia loawasia, ikaru akwat akanykape ka...Akaul naka iyakia, cut akaul naka aurianet naka Nicaea, naponiata luapapa luko Nicaea kiriamunotor nepepe kisomaunete erionget; kosodete aibikakin Ekanisa loka itunga kere, ngesi arai Ekanisa loka Atulik. Kotoma anen apotu iswamautu Ekanisa loka akwap kere. Ido akirot Atulik apolouke "loka itunga kere"; ejai aiboisio kere. Kesi...Iromayon - Roma nakapirit abu kijulakin araun Roma naka luipaapa. Kibiakinete Ipaapa araun engarenon ayangaar aibois ke Petero, lo awomitos kesi ido kobalas ebe abu Yesu koinak ilaceta luka akabakanut. Ido Ipaapa ngon erai lomam itepegio, ido erai lolo kotoma Okanisa loka Atulik. Erai...akekirot naerai ekisil kaicorakinet. Erai ngesi Ipaapa lomam itepegio. Apotu ngun kotuboto.

41 Do kwana, naarai mam apedorete acamanar kede aisisianakin naka Atulik, ayaararo, ecweyo kopirin, kaiboro ice kere. Ijeni oni kere ngun kotoma aiwadikaeta nukalaunak nuka Josephus, ka *Eitabo Loka Fox Loka Lu Aario Kanuka Aiyuun*, ka nuce da nuipu nukalaunak...*Loka Hislop Nuka Babulon Aarei*, ka nueswamas kolosek nuepolok. Ido, nges - Akaul na ikaru elukumit ka akwatakany, kwape kijenia oni, nuka Aturio Nuamuton, kolemarete Ebaibuli kane ejaasi itunga. Ido korai -loetiakunitai aijanakin kotoma Okanisa lokatulik lodidi nges abu kibwa, kace da, kijeni oni.

Dodo akaul kangun kobuni aisikwaruno nasodit naka Martin Luther. Abu kolom kinga kosodi atemar ebe emugati loebakasi Itulikan ebe akuan - akuan obe naka Kristo, erai loebwoikit akuan naka Kristo. Abu kocakak emugati toma aigalisit naka elutari, arai, nedokarere, kosodi ainger anyara ebe akuan obe naka Yesu Kristo, kosodi alimonokin, "Ebusi ikadoliton kanuka aiyuun." Kwana, mam ijo ipedori amun ebe epedori Ekanisa Loka Atulik acamanar kanges, mam cut, komam lokapolon kec lomam itepegio elimokit kes mam. Abeit ngun.

42 Akaul naka Martin Luther, alimonokin Aitojokaaro, kobuni John Wesley da elimonokini Aitalaunio. Kosodi alimonokin ebe itunganan, akaul naitojokaro (ejokuka ngun kere) konye ibusakinit ijo aitalaunio, ailongario, alias naka aronis alemar awai kanekon kede aokot nuka Yesu. Kwana, mam ijo ipedori amuno Luka Luther alimonokin Aitalaunio, naarai mam ecamunete aswam ngun.

Akaul Wesley alimonokin aitalaunio, kede atiakiataka naepol kamake, kopote do, Methodist Luka Wesley, ka Luka Nazarene, ka ice da, luapotu kiyatakisi aitonok akim adaun atur kec kere, kopote do Luopentikost kosodete atemar, "Inyo, Emoyo Lokalaunan ngesi aibatisao, kenerasi isio keda angajepa naidumunia nges." Abeit. Dodo neabunioto ngun, mam do ipedori aomite ebe Luonazarenes, Kaimethodists Lukawesley, kaiceda kere aiyuun ngun. Mam apedorete. Apotu konyarata ajokit. Erai abeit. Inyo kobu kotakanu? Kogeunete aibironor; kogeunete Ipetikotin aikeun. Kwana ekeunos kitoni neageara Pentikost amaran. Kapotu kimorikikinos kosodete alomar kinga, komam bobo ecamunete idis bore. Kodumunete ikek kisila, kodolet do ngun.

43 Kwana, naebunio Emoyo Lokalaunan toma kosodi aisidedealeun Abeit naka icebore kaitigogong nges keda ajaut kelope keda Akirot ke, mam ijo iwomit ebe epedorete itunga luko Pentikost atemar, "Kicamanar eong kede kangun." Ejaun ijo aibwo bon kwape abu Luther, kwape abu Wesley, kwape aponiata luce kere kiswamata. Ibusakinit ijo aibwo kotoma angun naarai esawa nges lo. Ngun nges einakitos eong arai ikoku abaata yenesil. Ngun einakitos eong agelakina.

Mam eong apedori ageun kwape Onac lominat Oral Roberts, ka Tommy Osborn, Tommy Hicks, kede kes, naarai mam ikanisan ecamanaros keong. Ebakasi ebe, "Iyuunit ngol ayuara naka ikar kere. Erai Ebatisayot. Mam iyuunit ener kangajepa kwape aanyunet nasodit naka Emoyo Lokalaunan. Ikunyasi awai kane ejai ngol!" Iteijo?

44 Konye obia kitereikinos keda nges ereet keda ereet. Itetenik kwap. Epedorete aitereikin ka luka Luther, Methodists da epedorete. Ipetikotin da epedorete aitereikin kede Methodists. Apedori eong da aitereikin kede Ipentikotin keda ngun. Eraasi ngun abeit. Abeit ngun. Kanuinyo? Kilosi isio kotoma aica kwape ejaar Ngesi da toma aica. Iteijo? Kiuta alosit kotoma Orot lokapolon loka ekabaka, ido ebunit kane elwana, einakitai asianut naiyatakina, einakitai apedori naiyatakina, einakitai agogong naka Edeke. Ido nen do ija oni. Longes esawa loabunio Emoyo Lokalaunan kwap kotoma aput naka aica kwape kolo ajaar kageunet, Epir loka Akim, kosodi aitodiar Ngesi Elopel, iswamai iboro ngupengun nuesomai Ngesi naajar Ngesi toma akwap. Kotema Yesu atiar, "eipone ani ijenuna ijo ebe edolitos arai mam? Kotoma araito kec ijenuni ijo kes. Ngin yen keyuuni, aswamisinei nuiswamai iswamai ngesi da ngupengun. Etupakinete aanyuneta nu ngul luiyuunete."

45 Kwana, inacanaka Lupentikotin. Ajaasi eong ka yes. Arai eong idiope kayesi. Ajaatar eong ka Emoyo Lokalaunan. Eneritor eong kangajepa, konye mam eong adumunit kes neadumunia eong Emoyo Lokalaunan. Adumunit eong aibatisao naka Emoyo Lokalaunan; enerit eong kotoma angajepa, adwarit, ajaunatar kainakineta nuka aijen, acowa, aijul, ka nginibore kere yen etakanuni. Konye kijatar eong kapedor nejai idiopebore kangun kere, naarai arai eong ikoku yenika Edeke. Apedor, akim naka Edeke ejai toma aijaraka; angajep naka akim ngin naabu kibwaik...ebunit kotoma kang kosodi aicwear nginibore kere yeniketepegit Edeke, doodo kwana kengarenikit eong EmoyoKe. Epedori atiar, "Kolot ne," alosi eong. "Kolot ne"; alosi eong. "Kiner kane"; enera eong. "Iswama nu, ngun, kace da." Nen do ijai ijo, kwape ajar...Kingarenikit ijo Emoyo. Ngon nges Edeke kotomakon, iswamai akoteKe. Arai ikote akiro ai, ejai Ngesi iswamai akoteKe.

46 Kwana, kopupok. Asiom ber eong ne eringa oni egeara aingiseta kotoma lexicon kane. Kwana, kotoma Aijulunet nako Vatican, Aibunget 7, 190...1205:

"Etiono ajenun arai kerai eporoto loka itunga kangul inerasi kotoma angajep namam ejena; arai eripooti araibo eemut loka aswamisioit naka ekwam Loka Edeke loakusi kagogong abu kitalaka ekodet..."

Mam apedorete ajenun ngun. Kwana kosesen. Arai kerai itunga...

Akoto eong aitetemun kwape aanyunet. Koany Igalilayan luicanasi luenapito igoen luecilicila. kojaasi kinga orot lok'oibuga. Mam awanyunitotor idio bore yen ikoni nen: ikiaritos akanin kec kuju, elomunete kotoma agola ngin nakakokuju, kedokunete kwap, kinga nen, kilelebitai, mam apotu olimutu idiobore ber. Iteijo? Kolomunete kwap kitoritos nen. Dokwana, atemasi kojaasi kinga kigetigetatas lailo kalaije. Kotemasi itunga...kokeruni Eyananit mamajai kotema, atiar, "Enera eong Agalilayan."

Kokeri do ijo nejaai ngesi kosodi atiar, "Inyobo ationis kede ajo, esapat?"

Elelebi eong kede Emoyo Lokalaunan. Abu apedor naka Edeke kodou kokuju kangina kotoma agola kangin. Abu icebore katakanik eong. Oo, Aibuses neejai Edeke!"

Dobobo ece kane, kinerasi keda Eyarabut, ido nges Egaliliyat kinera angajep naka Eyarabut.

Kwana, mam epedorete alimun, arai ekwam loakusi kagogong kobu iriu itunga nepepe neaponiata ikodeta nepepe, araibo einer keda angajep naegitakina naenerasi kesi? Kwana, mam Ebaibuli elimunit cut...ejaasi iboro iaarei luebeit ijo asesen. Arai nges...lokinga nges abala, "inyobo ainaki oni aiar nginitungan angajepewok nakiwuriere?" Mam abala ebe enerasi kesi ngin, konye apupete kesi ngin.

47 Dodo ekodet ngopengol, itunga ngupengul kes etetemunete nu. Kosomakin Petero kuju naka icebore kosodi atemar, "Yes ikiliok luko Ogalilaya, ka yes da kere luiboiete koYerusalem, kojenu akiro na (Ebakasi itunga Kemameotor kesi kangajep naka Igalilayan) kojenu akiro na kopuputu akakiro (inyobo angajep naenera ngesi, nejaasi kesi kere?); kanukinyo, mam lu emeras kwape iwomitotor yes, naarai eraas isawan iuni luka apaaran, konye erai na naenerit enabi Yoel ebe: 'Ebal Edeke ebe, ejaun kaparasia nukawasia, abukokini awat kere Ekamoyo, edwarete rwaru ikusidwe lusap ka lupesur.'" Kinyikokini alosit, kotema atiar, "Yes keda akusikanin nuakarokok ibubukisi Okoku loka Edeke loemamei aronis. Enerit Daudi nuKeng... 'Mam aosikini Ekemoyo okatwak, Karaida acamakin LokalaunaniKe aibos.'" Kotema, "Kojenu akiro na ebe etarau Edeke nges Ejakait ka Kristo da." Nakiirariata ngun...Amen! Ingai? Ngitunganan kokwap naka akuj. Inyobo auta atakanun? Mam abala, "Kwana, alosi eong ainer keda Agaliliyan; alosi

eong einer keda nu; konye alosi eong ainer keda anu...?...”

Naperinga Petero inera Akiro ngun, kotemasi atiar, “Ikiliok ka iinacan, kekonakisi ai tetere kidumuni aitajario?” Kosodi Petero ainakin kes nutupitono. Ngol nges eipone loisomar duc. Iteijo?

48 Elosi kuju, aridakin toma Edeke, alosit naimorikikina, eipone ani ijenuna jo? Edolit kwana, naejaunia Luther aitojokio, abu konyara ngin Emoyo Lokalaunan. Kerai ba. Abu Edeke kidomak idiocar naka Ngol toma. Kosodi Ngesi atemar inyo? Abu Wesley kodum Aitalaunio, kosodi atemar, “Esapat, naicelaror ijo, idum ijo Ngol.” Konye luipu luacelanaros mam edumunito Ngol. Naeneratar Ipetikotin kotoma angajepa-angajepa numam ajenas, kotemasi atiar, “Esapat, idum ijo nges.” Konye luipu kakesi mam adumunito Nges.

Emamei ibore kwanat kangin ebe kes aanyuneta nuaijen ngun. “Eipone ediope bon loijenia ijo ekitoi,” abala Yesu, “erai kotoma araito nuerae ngol,” aswamasio nuka Emoyo, araito naka Emoyo. Doodo naiwanyuna ijo itunganan yen ilelebas kapedor, yen ilelebasi kEmoyo Lokalaunan, kowanyuni do jo aijar naijulakina. Koanyuni do jo aanyuneta nuetupitos ngul luiyuunete: “Kokirorika irenganarete ajokin, inerenenas angajepa nukitetiak. Araida ekony kes emun, mam imusungi kes. Karaida kemata ibore yenikaaran, mama eyari kes cut. Idokonokinete lukadekak akecekanini, engaleunete.” Loka! Epone kaanyuneta kanu etupete ngul luiyuunete. Konye eipone bo ali idolokina ijo toma? Ainakineta ejaasi kesi toma akuan. Eipone bo ali idolokina ijo toma akuan? Mam erai ainerakin akuan kon toma; konye kotoma aibatisaun toma akuan adiope (Ikorinton Losodit 12:13). Emoyo ediope aponi kibatisai oni kere araun akuan adiope kinerokinitai ainakineta kere. Isirereng Ejakait yes.

Kwana, arai kepupu itunganan ateepe na arai icetunganan amamus acamanar kane, kiitute, aswam ngun kotoma opaperone, onac, naarai amina eong ijo.

49 **Aingiset nasodit lolo: Onac Branham, aomit eong erai etelelevision ekenit toma akwap. Inyobo iomit ijo anuke?**

Abeit, arai ingai iwadikat nu, alosi eong acamanar kajo. Etarautu nges ekenit toma akwapin. Apedori ti araut arereng toma akwap, konye etarautu nges ekenit. Idiobore kwanat kangin, ikatunga luminan, eraasi nuitai ijo ilopet. Arai erai etelelevision ekenit, apolouke ebe apapula naiyemuto da erai ekenit, eredio da erai ekenit, ido irwan ipu esimu da erai. Iteijo, iteijo, iteijo, iteijo? Erai nuisomauni jo kotomake. Konye kwape abu Onac kolimuno akwaare ya, emamete bobo ainapeta kotoma otelevision; eraasi ngun ikapun luipu. Ekalimonokinan lokican konye kolimonokini Eijiri loileleba mam epedori aitaic epuroguram edio kotoma otelevision. Kanuangun...abala onac akware ya, eyuunit eong, kanenice, abala, “Kiputa ekon eredio,” arai icetunganan, arai, “inyaku agor ido kopup ipurograms ngun.” Abeit ngin.

50 Konye, itunganan yeniminat, arai ingai jo, acamanara eong kajo cut. Araun idiopet koboro kangul luerasi luarokok nejai aur naka itunga. Eyangarete kotoma kanen ikapun kere luebeit alosit apugan kanu isolosinei, kibwaikinete alimonoreta Nuka ipurograms luka esigala ka luka ajon ka iboro ice kwapet kangun, kolemarete ngul kotoma osolosinei luka apugan; ido abunore kosodete adumun ikalimonokinak ka airiar okooti kanu adumun ikapun idis kaneja kesi. Acamanara eong kajo, erai ibore yenesil. Kwana, mam erai... ijeni jo, erai ibore yen idumuni ijo. Eyalama, inac, onac, arai ngaijo ingisit aingiset ngin.

51 **Kwana, ejai ne naejok. Aingiset: Ejaasi aiboisio kotoma Obaibuli kwape nat Samuel Losodit 18:10, naebala ebe abu emoyo lokaronon loabuni kanejai Edeke kiswama iboro. Mam eong amisikit ebe “emoyo lokaronon abunore kanejai Edeke.” Okwe itacau ber jo nu.**

Ee, katicepak kede agangat naka Ejakait, apedori eong. Mam ebala ebe erai Edeke Emoyo lokaronon. Konye emoyo loka nginibore erai Edeke nges eyait. Ido einakini ngin bore kere aswam kwa ekotor Ngesi. Iteijo?

Kwana, aingisetekon inera jo nuikamunitos emoyo lokaronon loabu kobu kamaejai Edeke aitisilaar Saul. Ajai ngesi toma adoketait na amamus aiyalama, kotuanite akuan, naarai, nasodit, abongorit kau. Ido neibongoria jo kau, emoyo loaronon-ecamakini edeke emoyo loaronon aiticana jo.

52 Akoto eong asiomakin yes icebore kotoma apak adio. Ejai bobo eong acewomisiot kotoma kangun kane. Iteijo? Ngolimoyo ejai kwap naka ayait naka Edeke. Iitunitoskereka yesi neka Yekosapat ka Akab elosete oojie? Do ibore yenisodit ijo ajenun, ajai-ajaasi aitemonokineta orutei. Ido korai Yekosapat etunganan loadoliton, kotema atiar (kiboikinos ikabakan luiyarei ngina, kimorikikisi akecejahresio nepepe) ido kotema atiar, “Kengitata ber Ejakait arai kalototo kinga araibo mam.”

Kosodi Akab alosit ayaun inaabin akwataongon luajatar ngesi, kere, kidari kes aitan ka aitutum da ka iboro kere; ajaasi ojutene loajok. Kopote kuju nen, kosodete aidwar ketau ediope, kotemas, “Koloto kodoka, kiinakini jo Edeke aipikor. Kolot Ramot-gilead ido kanen einakini jo Edeke ibore.” Abu ediope kakesi kotatau amumwara aarei kosodi ageun akerit airimirim aiboisit kwape aitupuset, kobala, “Kede amumwara nusuwa nu iremoria jo kes kinga naka akwap; erai nakon.”

53 Konye ijenete kereka yesi, ejai ibore yenikamuniti etunganan loka Edeke lomam epedori alosit kanuka ngun kere. Iteijo? Arai mam eupakinos Kikokoron, ejai ibore erono. Edio eyuunan lokabeit...Kwangin kotema Yekosapat atiar, "Ee, kes akwataongon esubit bala ejok. Esubito bala itunga luejokuka."

"Oo, eraasi," kacepak abu Akab kolimu.

Knye kotema Yekosapat atiar, "emamei bobo da ediope?" Kanuinyo bobo ediope kojaasi ijo akwataongon luecamanara? Naarai ajeni ngesi ebe ajai ibore yen asubit bala mam adolit. Iteijo?

Kotema atiar, "Eebo, eringa ediope ejai, okoku loka Imila, kuju ne," kotema, "konye asac eong nges"

Kanukinyo isacitor jo nges?" Eyuunit eong ebe abu Yekosapat korasak ajenun cut kanen ebe kejai-ajai ibore yenimam adolit.

"Idila duc nges adwaranakin eong nukaronok."

Kwangin kotema ngesi atiar, "Kolototo kodokasi aiwom Mikaia."

Kwngin apotu kesi kolototo aomare Mikaia

Kosodi atemar, "Kisunyite koom Mikaia."

Kanukangun kolototo koomata nges, kobuni...kosodi nealosioto, kijukasi ekeyakia kotemasi atiar, "Kwana, kidarek apak adio. Kwana kereka, ejaatar kesi ka akwataongon luejaas ka idigurin luka Doctors of Divinity luka ediini kangina. Araasi luelekarito kakere kakwap, luasiomitos noi ka ace kere." Kotema, "Kwana, ijeni jo, ijo itunganan yenican yenimam isiomit, mam ijo ilosi aitepeg itunga ngul kere ikapolok luediini"

54 Kotema Imila atiar, arai atemasi, kotema Mikaia ebe: "Mam eong alimuni idiobore kitoni neibwaikina Edeke toma akitukuka, ido alimuni cut nuetemari Ngesi." Amina eong ngun. Amina eong ngun. Kotoma akiro ace, "Asalakini eong kede Akirot." Mam apodokit kere nuapotu nuce kotemasi. Kotema atiar, "Ee," kotema, "abala eong ijo. Arai mam ijo ikoto acakunio kinga, ekot kereka jo da alimun ngupengun."

Kanuangan abu kolot ngina, kosodi atemar, "Alosi kereka eong?"

Kobongok nges ebe, "Kolot." Kotema, "Koinakinai eong lolo. Inyek ber kenerata eong ka Ejakait." Amina eong ngun. Ido akwaar ngin kitanikin Ejakait nges, ido apak natupakini abu konyou. Kotema atiar, kwape alosio, kotema ebe, "Kolot; konye abu kaany Israel kere isiarakina korongan kwape amerekekin nuemamete ekecokon, isiarakina korongan." Oo, loka! Abu ngin kolema ekwam kanejai ngesi.

Kotema ngesi atiar, "Mam abu kalimok ijo? Ajeni eong. Eipone ngol kiswamanana duc, einer nupe karokok neka."

Inyobo? Ajai toma Akirot. Inyobo? Enabi loajai kaukeng, Akirot naka Edeke ebuni kamajai Eliya, Enabi cut obe, abala, "Naarai ibu jo kobuko aokot nuka Nabos loamamei aronis, epote ingokwo aimie aokotokon da." Abu kolimok nges nuarokok. Adaut Elisa alosit kuju. Konye ajeni ngesi ebe Elisa ajaatar keda Akirot naka Edeke, kanuangan abu kosol keda Akirot. Amina eong ngun. Kosol toma Akirot.

55 Arai ebala Ebaibuli ebe Yesu Kristo nges ngopengol bian, ka lolo, ido kiton ikaru kere; Akepedor nges ngipengin; Emoyo Lokalaunan erai kanuka ngin yenekoto, abu ngesi, kosol toma Akirot. Eebo, ipa! Mam ace arai etemarete luce biai. Arai itanyamitai kes ejok arai isemerai idi itoritosi kesi toma, emamei ibore ikamunit ngun.

Kanuka angun abu kotema...Ekesa lopeti lo kede amumwara akouke, elosi aremor nges-kwap kinga adepar ekabaka, kolosi kikunyak kosodi aibap nges akituk (ikalimonkinan yenididi). Ajeni ngesi ebe arai yen ikebelibelon yenikalaunan yen edit tai kosodi emamei ibore yen epedoro alimun kanuka ngun, abu kibap nges akituk. Kotema atiar, "Akoto eong aingit ijo icebore," kotema atiar, "aibo etori Emoyo Loka Edeke enyouni kamakang arai idumunit ijo Ngol?"

56 Kotema atiar, "ijenuni ijo naiboyo ijo kotoma aidaris ngina kwape loijoreoritai." Kotema atiar, "abu kaany Edeke iboie koicolongoKe (Amen! Aso kopupok!), kotukokina da ajore kere naka akuj airimunit Nges." Inyobo ationis? Adaut Enabi ke alimun nualosete atakanikin Akab. Edeke...mam arai Eliya abu kolim ngun; arai ngol enabi loenyonyoikitai. Arai ngin Akirot naka Ejakait, EBALA KWANATA EJAKAIT. Kosodi Mikaia atemar, "Abu kaany ajore kere naka Akuj etukokina airimun Edeke kotoma aurianet naepol. Ido kinerasi nginidiope kaenice. Kosodi Ejakait atemar, 'Ingai ca kipedori adumun alosit kwap ingai kayesi epedori alosit kwap kosodi aingalaar Akab, alemun nges tetere Akirot naka Edeke itodolikin, ainakin nges inomio? Ingai kipedori adumun alosit kwap?"

57 Ee, abala ediope ebe *lo* arai *ngol*. Akaul apak adio, abu emoyo lokaronon, abu emoyo lokengalan kodoku kotoma ogeyana kosodi atemar, "Arai bon kocamakis eong. Arai eong emoyo lokengalan. Alosi eong alomar toma ikalimonokinak ngul kere, naarai mam edumunito Emoyo Lokalaunan; kasodi eong

ainakin kes (Eraasi kes isap tai luitutoritai kosomero) alosi eong, kasodi alomari toma naka nginidiope kakesi, kasodi aingala kes, kasodi ainakin kes aidwar numam eraasi abeit." Ngesi abu kolim ngun? Kotema atiar, "eipone ngon kilosio aingalaar." Kwangin kolosi kwap.

Kotema atiar-kotema Edeke atiar, "Ijaasi ka acamakineteKa alosit."

Kosodi alosit ka alomar toma onabin lukaingal, luitutoritai aijanakin naka osomero, kosodi ainakin kesi aidwar esabet. Arai emoyo loasabat kiswamai mama ejai akote naka Edeke.

58 Kocamak eong...Icebore yen iminasi yes aanyun kane, apak edit. Kosesen nu. Akoto eong ijo apukor keong Ikorinton Losodit Esuula lo 5, ekokoro lo 1, apak adio. Ikorinton Losodit...Kosodi asesen nu arai ikoto jo aanyun ibore ice, Edeke isomauni icebore-eipone loka imoyon luarokok, eipone loelosioto... abeit ngun, inera Paulo:

Isiarakina eemut ebe ejai adoteu tomakus, adoteu da namam...ejauna kotoma atekerin,...(nunyoika iwomit ijo kanuangun kotoma Okanisa?)...ebe etunganan ajaut keda kaberu naka papake.

Yes da idakunonos, kwabo mam...(aanyutu ber. Acamunit bala apuko eong apapulai aarei kane...)... yes da-yes da idakunonos, kwabo mam ibwororisi, ebe...(kwana, idarek apak adio kane. Arai eong...eebo, eraasi ngun abeit. Eebo.)...ibworoto...(nges ngun.)...idakunonos, kwabo mam...ibworotos, tetere elemario kokidingikus ngol lokiswamai akirot ngin.

Mam eong ajeni. Mam eong acamunit ebe idio itunganan epedori alimun kotoma kanu arai aitepeg, naarai arai eong loayuarit nueyuunit eong: arai erai etunganan loilelebitai kede Emoyo mam epedori awolior. Iaany ijo, iteijo?

59 *Naarai abeit, karaida amamei kakuan, konye ajai komoyo, adau eong elopet atubokin ngol lokiswamai akirot ngin kwape tikajaar, kotoma Okiror loka Ejakait Yesu Kristo, naitukonokinotor nepepe ka ekamoyo ka apedor da naka Ejakaitiwok Yesu Kristo, kijaikis ngol Satan tetere emudiaro akuanake, tetere itajario emoyoke kotoma apaaran naka Ejakait Yesu.*

Edeke, elimokini Ekanisa lokalaunan, loerai AkuanaKe kane kotoma akwap, ebe (kwana, eraasi nu akaul naka Aitutuket Namojong, kotoma kaNakitetet) alimokin etunganan loasiiliana kigasiikite kotoma otunga ebe eboiete kaberu naka papake. Kotema, "Ibore kwa kangin kotoma Akuan naka Kristo... ijo, Ekanisa, kijaikis ngol Satan tetere emudiaro..." iteijo? Ecamakit Edeke...Ido naejaatar Ngesi ka ibore yenekoto Ngesi aanyun ebe iswamatai, acakakin agweret neejai etunganan, einakin ngesi emoyo loaronon abunore nejaasi kesi aitakan itunganan ngin ka-kainyakun nges toma. Kwana, ijenuni oni etunganan ngol akaul...

60 Ngin nges ationis keda Ikanisan lolo. Naebunio etunganan toma Akuan naka Kristo kosodi araun idiopet kotoma kogeuni aswam aronis, aiboisit naves kere abunore nepepe kosodete aswam ibore yepeyen...Kayes, koyekalu Branham, kiswamata ngun. Naarai arai iringasi yes irucokina kanges, esalakit kwap naka aokot. Kanuangun ebuni ainyikokit aswam iboro ngupengun lumojong bobo kabobo kabobo ngolisawa. Kotukokinos nepepe kosodete kijaikis ngol neejai ajokit tetere emudiaro akuanake, tetere ekemoyo-kwape-acepak itajario apaaran naka Ejakait. Aso kosesen ebela loka Edeke ebuni toma. Kosesen ajokit eyangaari aibois kotoma ke. Emoyo lokaronon ikamari nges.

Dodo esapat loetetenaar. Ebonguni ngesi. Ianyuni do oni kotoma Okorinton loiyareit netalaunor ngesi kakonyen nuka Edeke.

Kosesen Yob, etunganan loadolit, loamamei aronis. Kosodi Edeke acamakin emoyo loaronon abunokin nges, kalecor nges, ka iboro ice kere kanu aisitekoor emoyoke. Iteijo? Kanuka ngun ejaasi emoyo loaronon...itosomai Edeke imoyon lukaronok apaarasias nui pu aisomaun nuekot Ngesi ka akoteKe.

61 Kwana, ejai ne adiopet naikami cut. Aingiset (aomit eong erai itunganan idiope, naarai eputos akanin): Arai ibusakinit itunganan ajaut ka Emoyo Lokalaunan...ajaut kEmoyo Lokalaunan kanu aibelokin ka alosit da toma awurupoorio, ikwaikini ai ejautene loka idwe luatwakata eringa ikaru luka aijen? Iwori bodo ejaruniata kesi?

Kwana, onaceka, iinac, mam eong apedori alimokin ijo ngun. Emamei neiwadikatai ngun kotoma Obaibuli. Konye apedori eong ainakin aomisioka. Kwana, itigogongete nu yes luiyuunitos asianut naka Edeke. Iwanyu ijo, ekot itunganan ajenun (Erai aingiset nape ejok. Iteijo?) Ekot itunganan ajenun inyo ajarun-inyo etakanikin ikoku, arai iburai nges ajaut kEmoyo Lokalaunan tetere epedori alosit toma awurupoorio...kwape alimuno eong, abeit ngun. Kwangin ejaar kotoma Obaibuli. Ngin nges aisisianakin naka Naiwadikatai Obaibuli. Mere ebe mam alosit Akuj...Naarai itunga luilelebasi kEmoyo Lokalaunan nges ajarun nasodit, Luseuna. Aatongot naka ngul...Luce kere luko ikatwak mam ejarrete adaun Ikar Elukumit. Akaul naka Mileniam, nges ajarun naiyareit, etube loka Eicolong loepol Loekwang. Iteijo? Ngin nges ainapetai naka Ebaibuli cut. Konye ekoto itunganan yen ajenun ebe dobodo idwe lu. Kesi...Kotoma akiro ace, ajaatar kesi kEmoyo Lokalaunan eringa keuruna? Kesi apotu kodumutu Ngol? Kwana, mam eong

apedori alimokin yes ngun.

62 Doodo kwana, katemasi kwanata: Kijeni oni ebe idwe luetwakete, komam kipodo nuka iuriak kec, itajaruna. Etepegit eong esomero loka inabin kotoma kangun. Ebakasi ebe arai...etwakata ka aurian lokera ekadiakanaran, ikoku ngin elosi ogeana, abosiar; konangakini nen. Eebo, Yesu...Abala Yokana nabunio Yesu, "Koany Imerekek yenika Edeke yenelemari adiakar naka akwapin." Erai ikoku ngin itunganan, yen ebeit adolokin kwap naka itubesia luka Edeke, kwabo kotwanite Yesu kanu alemar adiakar, adiakar kere aponi kirengearai akonyen nuka Edeke neatwania Yesu kanu alosikinet kangin. Aponi kisionioi adiakaretakon. Aponi kisioni adiakaretaka. Ediopone bon loipedoria ijo adumun aisionio erai acamun aitimike. Kwana, mam ikoku epedori acamun akeitimio, kanuangun emamei ibore isomat. Mam ibore yen isomat cut. Kanuangun ilajaara ngesi cut alosit toma akuj.

Konye itemari ijo, "Konye elosete kesi awuruporio?" Kwana-kwana, nakang na akirot; akaomisiot kwana do. Mam...eong apedori aitigogong nu kObaibuli. Konye kosesen. Arai abu Edeke, eringa apetetait naka akwap, kojeni idiotunganan kere yenabuni ajaun toma akwap...iyuunitos yesi ngun? Ajeni Ngesi nginisisiai, nginidepit, ngolicucut, ajeni Ngesi nginibore kere yen abuni ajaun toma akwap. Arai abu Ngesi kojeni ngun...

63 Kosesen. Kayangasi ber kwape naanyunet, Musa. Naurunere Musa, arai enabi. Eringa Yeremia...kolimok Edeke Yeremia, "Eringa kesuba jo kotoma akoik naka totokon, abu kajeni jo, kasodi aitalaun jo, kaseu jo araun enabi mama ejaas atekerin." Yokana Lokaebatisan, ikaru akwatakanyarei ka itomon karei eringa nges euruuna, koanyute Isaia nges kotoma aitapoet, kobala, "Erai eporoto loka yenikiworoi kamoding."

Ainerunet nasek arai aijen nasek naka Edeke ejeni kere nuikamunito idwe lucicik (iteijo?), nuabeit kesi ti aswam. Ajeni ebe epote atwakare. Ajeni Ngesi. Emamei ibore yen isomaun komam Edeke ejeni. Emamei ibore yenetakanikin...Kwape Ekecokon Lokajokan, eipone loelomara Ngesi toma...Kwana, ayangar nu kotoma Naiwadikatai Obaibuli, mam eong apedori alimun ebe ebala Naiwadikatai Obaibuli *mutan-ka-mutan*. Ayangarit eong ngun kanuka aomisioka.

64 Kwana, aingiset naetupakini erai nawomit eong ebe acepak apupunit itunganan ngin nuenera eong akwaar ya. Itacau aberu adumun aitajario kotoma auruun ikoku.

Mam aberu edumuni aitajario kotoma auruun ikoku. Konye apukosi kwana Timoteo losodit 2:8 apak adio. Kasodete aanyun nuebala Ebaibuli kanuka ikoku. Kwana, amisiiki eong ebe erai ngin asisianakin naka Atulik, ebe ebala Etulikat ebe itajario aberu kotoma auri idwe, toma auruun ikoku. Konye kenyeikisi oni... Mam eong eyuunit ngun. Timoteo Losodit isuulai 2, kageutu kokoro lo 8, kasodete aisiom kwana aisiom apak adio. Aso kopupok.

Kwapekwangin da Angor isirete anapito nuibusiak (ibusakinit oni mam aingit ngun, araibo? Kopupok nu.)... *Kaitasono...*(Whew!)...*kacoite; mere kaicip itima, karaida kesabu, karaida ilulun, karaida igoen luketiai;* (Inacan, auta eong aingarakin yes kane, amuno. Akopiran nuewenitos ipenekai nuitetiak nu angin paaran arai apaarasia auni. Iteijo? Mam eputosi keda Ekristayone.)

Konye (kwape ibusakinitor angor nuelimorete ebe eyongito Edeke) keda aswamisisio nuajokak.

Kisisiata akusingor kaiyamakina kanonokikinit kere.

Konye mam esiikinit Aberu aisianakin, arai da ayaite... ekiliokit, konye dimarai...aililing.

Naarai kisiau Adam asubio, kosodi konyet Keba.

...bobo da mam Adam kijodijoditoi, konye Keba ejodijoditai, kojaikin aibucar.

Konye itajario aberu kanuka auruun idwe arai...(kwana, mam nges inera neejai aberu naka akwap, ajaut kede idwe.)...*Arai esali ngesi toma aiyuun...*(Iteijo? Arai esalakinit ngin. Ejai ngesi sek...ngin nges aberu nainera ngesi, aberu nadau aitajarun. Iteijo?)...*ka amin, ka alaunit nepepe kacoit.*

65 Mere kanu adumun ikoku ijaikini nges aitajario, konye naarai itopolouni ngesi idwe, aswam epeluke, mere aitopoloun ikapai, ingokwo kede inyo bobo ayangaar abois naka ikoku, kwa iswamata lolo, aijaikin ngin amin naka toto tetere nges elosi kinga keda airimokinit akwaar kia. Isomaete icetunga ngun. Kitimoi, konye isomaete kesi ngun. Erai ibore yen etionikit eong alimun, konye abeit erai abeit. Iteijo? Mam ekotosi idwe awenit kes. Konye kotoma aur idwe, arai kiyataki ngin kotoma aiyuun, alaunit kacoit kere, itajario ngesi. Konye *arai* ngin erai, itajario ijo da, arai kiuritai bobo. Ibuni jo ipedori jo angaleun *arai* kiyu ijo. Idumuni ijo Emoyo Lokalaunan *arai* kiyu ijo Nges, kokapakin kanuKe, arai ikapakina ijo kanuKe. Itajario nges arai iswamaenenei iboro lu (iteijo?), konye mere ebe kanu Ngesi araut aberu. Edolit ngin onac, inac. Mam erai aisianakin naka Atulik cut. Kwana akoto eong...Ace bobo na naikami. Ija oni keda adiope bobo. Aomit eong ejai oni apak kanuke. Ayanga eong apakiwok. Kwana, eraasi nu nuatakanutu akaul naka aisikwarunio. Eraasi nu nuatakanutu akaul naka airiamun kaya, aingiseta nu.

66 Kwana: Onac Branham, eraasi Nuiwadikatai Obaibuli etunganan einer kotoma angajepa kosodi aijul nuener ngesi elopet? Arai erai kwangin okwe kitacau. Ikorinton Losodit 14:19 kosodi bobo Ikorinton 14:27.

Abeit, alototo neejai Naiwadikatai Obaibuli ngin kasodete aanyun nuebala. Kasodete aanyun arai idari oni nu koraas Nuiwadikatai Obaibuli. Ikoto oni ajaut duc aup ka Nuiwadikatai Obaibuli. Ido Ikorinton 14. Kwana, ekot itunganan ajenun arai iwadikatai ebe etunganan aijul akeisiraret naener ngesi kotoma angajepa. "Karai epedoros, itacau Ikorinton 14:19." Awanyutu, 14 ka 19. Erai abeit, nen kija oni.

Konye Kotoma Okanisa akoto...einer akiro akany kaomisioka, tetere kesianakini ice, itia einer akiro ilukumin itomon...kotoma...angajepa numam ejenas.

Kwana, naetupakit nges ekokoro lo 27, ekotosi ajenun.

Arai inera itunganan kangajep namam ejena, kinerata iyarei karai iuni mere adepar, bobo da kabeanakin; kijul da idiopet.

67 Kwana, adum eong nuetamit itunganan yen atiar (nuakoto-alosio eong asiomakin yes icebore apak adio). Konye aomit nuetamit onac aria inac alimun, "Arai edolit cut itunganan yen inera kotoma angajepa aijul bobo nuener ngesi ilopet?" Kwana, ipapero luminan, kosiomutu ber yesi ekokoro lo 13 kosuula kangopekangol, kilimokini ijo:

Kanuka ngun ngol loinera kangajep namam ejena kilip aijul.

Abeit. Epedori ngesi aijul akekiro. Kwana, arai oni...aso oni...Ee, ijo...kosiom kere kane, ido ipedori aanyun...kosiom esuula ngol kere. Ejok noi, kitacaunit ngun.

68 Kwana, einer kotoma angajepa...Kwana, irokori kija nen, ido ejai aikam nu kateepun, akoto eong alimun ebe eyuunit eong cut einer kotoma angajepa kwape eyuunit eong aitangale naka Edeke, ka aibatisao naka Emoyo Lokalaunan, abongun naiyareit naka Kristo, kapedor naka akwap naebunit; eyuunit eong ngun cut kwape apedoritor eong aiyuun, konye eyuunit eong einer angajepa ejaatar kakeiboisit kwape ejaar abongun naka Kristo da aiboisit ke; aitangale naka Edeke ejaatar kaiboisitike; nginibore ejaatar kaiboisitike.

Kwana, neija yes itunga, adum eong arereng alimun nu kopekwana, ido akoto eong aitacaun ngin. Ido arai etipipil eong idiotunganan, mam erai akalosikinet. Mam erai akalosikinet ka ayaun epurujai. Konye kopupok. Araibo ber inyo ationis kede einer kotoma angajepa numam ejenas kotunga luka Pentikost (nuarai eong da elopet; arai eong Epentikotit. Iteijo?)...Kwana nulem arai ationis kes nuta: mam einakinitos ngun ayongio. Ido icebore, ejalakinitos kesi ngun elosete ebulumuka. Mam inyakunete toma Akivot.

69 Kwana, kopupokisi. Eipone lota-kocamak-eipone lota loesipokinitere ekanisa. Kwana, toma Okanisa loka Pentikost karai kecokie eong ekanisa lo, ti eong kalimok yes eipone loti ebwaikinia eong ainapetake (iteijo?), karai eong karai-ti ajai ne apak kere aicoki nges. Ti eong acam nginiinakin ketoma Obaibuli. Nasodit alimokin eyuunak aibatisaun kEmoyo Lokalaunan. Kosodi do, nginiinakin naejai Okorinton Lusodit 12 ti isomaete kokanisaka, karai kapedori eong ayaun kes toma nen, kiswamai akuan kere.

Kwana, arai iany ijo...mere einer kopekwana. Ido kiitu, mam ti eong kalim adiopekirot naegelakina-katicepak elemuni kainyanak Emoyo Lokalaunan. Ido ejeni Edeke da mam eong apedori alimun numam erai. Iteijo? Konye abala eong nu bon aitam ainakin yes koipone loebalatar ikokoron akaul na eong aisisia nges kwana nepetai ikaru akaisaarei. Alimonok eong nepetai ayapiar ikaru akaisauni. Ido etor eong ti oboro kere, alomu kotoma; koomoom ber ijo epone loajaar. Ido aite nginitunganan, ka akec aisisianakin, akwap kere. Ido ayangar naarai erai nen ejai eong akote. Erai akote naka nginitunganan kilema ber awai. Ebeit eong anyoun kane, yesi da ebeit anyoun kane, ido arai kalot eong kwape enabi lokengalat, atwaniari ekatau elopet ka aitoolor lukus da kede eong. Kanuangun edeparit -edeparit emugati loka nginipaaran; edeparit ajenara, edeparit idio bore kere; erai aijar neka. Iteijo? Ido akoto duc eong ajaut ka aidules naka ainakina

70 Kwana, kilot jo okanisa loka Pentikost, ibore yenisodit...(Mam eong abala ebe kes kere. Ice ka lueraas...) irwan ipu idoli jo okanisa ido ageun alimonokin; nape ijai jo alimonokin konyouni itunganan einer kotoma angajepa. Kwana, epedori katicepak itunganan ngin cut kilelebas kEmoyo Lokalaunan, ido korai Emoyo Lokalaunan cut inera kaneejai itunganan ngin, konye ibore yenita, mam ituuoritai. Karai aijanakin na naejai otut ejai einer toma aiyengakionio, emoyo loka enabin enonokikini enaabi. Iteijo? "Kiswamai iboro kere..." Kwana, kolot ber ijo lailo kotoma Paul inyobo ebalar ngesi kwangin. "Neinerar idiope," ka ace... "Nelomuna toma, kojaun aitolitulun."

Kwana, eworoenene eong itunga abunore olutari, ido itunganan anyoun kosodi einer kotoma angajepa. Ti bon...Ee, edolit do jo ti apalar anyaraun itunga olutari. Itobwouni nges. Iteijo?

71 Ido bobo, icebore, irwan ipu enyounete itunga ido einer kotoma angajepa, iboiete itunga enyakaete emina loenyakao, kongolengoleete. Arai inera Edeke, kopalarite, kopupok! Arai erai ngin abeit, arai erai ngol Emoyo Lokalaunan inera kanejai itunganan ngin, kiboikin kopalarite kosodi aipup, kinapaara. Aticepak ebuni aijul nekon. Iteijo? Iboikin kopalarite; kopupok aijul. Kwana, arai emamei ekejulan kotoma okanisa, ibusakinit kes ainapakin kotoma Akuan.

Kosodi, neineratar kotoma angajepa numam ejenas, ebala Ebaibuli, kinerata bonik ka Edeke. Ngin yeninera kangajepa numam ejenas eduki akekuan. Kwana, ngun angajepa numam ejenas; einere, angajepa kapolouke. Konye ijo...arai eruo arupepe, ibusakinit ijo aijen epone lo eruwor (...okutak ijo) araitai mam ijo ijenuni epone lokapakinnet alosit ojie. Arai idiotunganan inera kangajepa, ido bon "tuut"; ngupengun bon ejaasi, ingaibo ejeni nuisoma. Konye arai kegeu kede *reveille*, apolouke "konyou!" arai kekutaki ataps, apolouke "koper kwap" iteijo? Arai ekutaki *okerikisi* apolouke "okerikisi." Ebeit nges ainakin apolouke, ido mam erai einer bon. Kotoma okanisa, arai emamei ekejulan, konye kojai ejulan, eraunos angajepa nuka ekanisa.

72 Kwana, nejai aingiset kon, opapero lominat, naebala, "Edolit eong einer ilukumin ikany...iakiro akany, kosodete itunga amisiikin eong itia ilukumin ikany (arai kace nuiyatakit ngin einer) kotoma angajep namam ejena." Abeit ngun. Konye kosiom kitoni kwap: "...dimikito erai toma apukokinio arai kotoma aijul kanu adukio." Iteijo? Kanu aiduk.

Kwana, akoto eong ainakin ijo iwomisiot idio ebe idobo karai-karai eong ecokie ekanisa lo loebunit, karai onyara eong Edeke aicoki nges, eipone ti lo edaria eong nges lota: ti eong atam amoun nginitunganan yen ajaatar kainakinnet. Ido ti eong ainak kes airiamun esaawa ediope eringa aijaanakin kegiara ber, kotoma agola kes bon. Kiboikinos kwap naka Emoyo. Ido ibore yenisodit ijo ajenun, ebuni idiope kwap, ejaatar kainakinnet naka einer kangajepa. Ido inera ngesi kangajepa. Nginitunganan iboie killilingi. Konyouni ediope aijul nuebala ngesi. Kwana, eringa ngun keinakina ekanisa, ebala Ebaibuli ebe ejai ber aigimor ngun kotoma ajenak iyarei arai iuni. Kwana, erai ngon etunganan loejatar kede ainakinnet naka amisiikin imoyon (iteijo?) naarai irwan ipu elomanarete apedorosio nuka imoyon luarokok toma nen. (Iteijo?) Inerit Paulo ngun. Konye do, ejaasi apedorosio nuka Edeke da toma nen. Kolimok eong atukos namam imoyon luarokok iboiete kotoma. Kolimokinai eong netukokina odwe luka Edeke nepepe komam Satan ejai akidingot kec. Erai nginibore kere. Kanuangun mam imujuro. Iteijo? Ejai Satan nginiiboisit kere. Kwana, nen kija. Inera itunganan idiope kotoma angajepa. Kwana ejaasi iuni iboiete kangin luejaasi keda Emoyo loka amisiikin. Ido inera idiope kotoma kangajepa kosodi ainakin aisiiraret. Kwana, mam epedori araut atakun Naiwadikatai Obaibuli, naarai mam Edeke inyogonyogoi akiro, ido abu kolimok oni mam ainyogonyog. Iteijo? Kanuangun mam erai ngun. Erai aisiiraret nejai ekanisa.

73 Kijaun ka iboro iyarei kotoma aisikwarunio na. Koany ibore yenikerai nginidiopet kakesi-eroro, cut toma aicunyakinet. Iteijo? Abu kikunyak toma. Ikeun ediopetunganan, kosodi einer kangajepa, ido aijulakin, kosodi aibelokin kau, kosodi aitogogong aisiraret ngin nape adaun. Kosodi abu ediope da kikeun akware ya, kosodi atemar-kotoma ainyonyoikinet naka adwarasit, kosodi alimun icebore, komam ejeni nuenera ngesi; konye do angeset abu kolimor, "Isirerengitai ngol loebunit kOkiror loka Ejakait." Atipet kikamuni eong icebore katipet noi do atemar, "Kepone ece isirerengitai ngin lyenyuuni nu ebe adau Ejakait abunore."

Koany aimorikikina-konyet do kijesun Emoyo Lokalaunan kotoma aduketait akuar nabian. Iteijo? Eraasi ngun kanuka adukio. Abwoi eong kangina atamit alimokin itunga ebe ejai kes adumun Emoyo Lokalaunan. Ido kobunite ajokit toma nejaasi itunga, kobala, "Mam ipupete; iboikin kopalarite."

Kotema iinacika ebe, "Bill, alakara eong esawa loilimonokina ijo; apupi eong bala ti aikeun do asomar aipelor karwataat."

Katema atiar, "Kikeun kuju kosomar." Kodaunos ngun.

Kotema ngesi atiar, "Konye na ilosio ijo ti aswam ngun," ido kotema, "kogearete itunga acelar," kotema, "apupuni do eong bala arai eong ibore yenimojong yenitai."

Katema eong atiar, "Ajokit ngin. Satan ngin. Nabunio ngesi toma aswam ngun," katemari eong, "ti jo ikeuna kwapekwangin." Kiraii oni isaseredotin luka Edeke, aswam ainakineta nuka komoyo-ainakineta, araito naka aitukes wok einakini aiturio mama ejai EkiroriKe. Iteijo?

74 Kwana, kwana, nuopotu kotakanutu kes nuta. Kolacun do Emoyo Lokalaunan, naarai kerai ngun bon... "Isirerengitai ngin yen iyuuni." Amear akwaareaarei, auni atamit eong apesikin ngun ngina; konye do, kolimor Emoyo Lokalaunan kotema (kotoma ainyonyoikino) ebala, "Isirerengitai ngol loebunit kOkiror loka Ejakait." Ido eringa eong kepedoro alimun idiobore, kadaute eong alimun ngun sek. "Isirerengitai ngin yeniyuuni ebe abu Ejakait kotoma kanu." Iteijo? Enera kopekwana eong nu, erai Emoyo Lokalaunan Edeke Elopel kotomakon. Iteijo? Ido apotu kikamun ngun. Iteijo? Kosodi Emoyo Lokalaunan aijesun toma otunga. Iteijo eipone Ke-Eduki Ngesi, adwarasit?

Kwana, ejai atiaketait toma adwarasit ka enabi. Elosi aidwar anyoun kanejai idiope kitoni neejai ice, konye enabi euruno kotoma ageunet erai enabi. Ejaasi ka INERA EJAKAIT KWANATA! Mam kes itemionono. Mam ijo iwanyuni kes ebwoete kanejai Isaia, arai Yeremia, idio kakesi inabin, naarai ajaatar keda INERA EJAKAIT KWANATA! Konye emoyo loka aidwar kotoma otunga; ibusakinit ijo asesen ngun, naarai Satana eridun toma nen. Iteijo? Kwana. Konye ibusakinit ber aitem ngin.

75 Kwana, ilosi oni ajaun kaisikwaruno. Kwana, kosesen kwana nu ejok noi yes ikejanakinak. Kijai asipokin aisikwarunio. Erai abeit. Arai acepak ibuni ajaun keda aijanakin kokanisa kwape sek. Enokie ekanisa. Ekot korai kosawan kere. Ee, acepak ijaatar kede itunga ikany arai ikanyape luejaasi kainakineta; inera idiope kangajepa, iyarei arai iuni acepak ineras kangajepa, iwongon arai ikany kotoma angajepa, ejaatar ainakinet naka angajepa, einer kangajep namam ejena. Iyarei arai iuni kakesi epedorete aijul. Acepak ejai ediope-iyarei, arai iuni kakesi ejaatar keda ainakinet naka acoa. Erai abeit. Iriamunos kere, itunga luainakineta...yes...ainakineta ngun mam einakitai yes kanu aboliar, mere atemar, "Oyanga Edeke aibuses, Enera eong angajepa! Halleluya!" ipedori jo-irai jo-iuta jo ainyak akonikuan kwap. Eraasi, nueinakitai jo kanu aisoma. Ido akoniibois kotoma okanisa ekot ajaun eringa aijanakin napaaran egeara, naarai ejaunos lumam isisianakinitai da akidingot kus.

76 Aso ilosete do yes toma agola, kosodete aiboikin nen, yes itunga kere nepepe, naarai iraasi yes kere ikeswamak nepepe kotoma Akiro Nukajokak. Kanuangun iboikinos yes nen. "Ejakait, ejai eicebore ikoto Jo isio ajenun lolo? Kiner kasio, oo, Papa lokokuju," ainakin ailip, aingainga; aiwo ikososinei. Cut toma kobuni emoyo, kodoikini icetunganan, kinera kangajepa. Konyouni ediope kosodi atemar, "INERA EJAKAIT KWANATA." Inyo? Kopupok. "Kolot olimok Onac Jones aikunyar awai kotoma aiboisit kangin naiboyo ngesi, naarai moi paaran ejaun ekwam loekusi kagogong epiari akwap ngin; ido ebuni akutar ekekai. Kolema iboro ke kolot awai!"

Kwana, ngun-epuposi ngun bala ejokuka. Konye kidarek apak adio. Ekot kojaasi itunga iuni luejaatar ka Emoyo loka amisiikin. Etemari idiope kakesi, "Arai Ejakait." Kotemari ediope da, "Arai Ejakait." Eraasi ngul iyarei kotoma ouni-ajenak iyarei arai iuni. Erai abeit. Kiwadikaete ngun toma apapula. Ngun nges ebalu Emoyo. Erai abeit. Kobongorete ailip, aimala Ejakait.

77 Akaul napak adio, "INERA EJAKAIT KWANATA(ikeun enabi kuju) INERA EJAKAIT KWANATA, lolo, ejaun Aberu naebuni kotoma oibuga loko New York; edakitai kede eitada; ebuni toma aduketait kotoma oitada. Ejaatar keda eitabala lopiria ewenikitai akouke. Elosi atwanare kanuka ekansa. Inyobo ainakini nges aikwaikin nen, etakadikinit Ngesi Ejakait-adiopepak abu okoko ikapun kOkanisaKe nearar ikaru itomon akanyape. Kolimok Onac Branham kolimok nges iboro ngul. INERA EJAKAIT KWANATA, arai kitetena ngun, itangaleunio." Idarek apak adio. Esubit do nen bala ejok, konye idarek apak adio. Ilosi ijo aibwaikin ekonikiror apapula na, ijo ikamisiikinan? Ijo ilosi aibwaikin ekonikiror?

"Keraasi nuka Ejakait." Kotemari idiope, "Keraasi nuka Ejakait." Doodo kiwadikaikinite yesi ngun kwap, "INERA EJAKAIT KWANATA, lolo ejai aberu ebeit abunore, ibore *mutan-mutan*." Ngol loejaatar kede emoyo loka amisiikin itauon, iyarei arai iuni kakesi igirakinete ikecekirora neka ngin. Aisirareta nu kere einakitai. Erai abeit.

78 Akaul naka apak egeunete apupun ekide eruo. Ageun Ailip kokanisa, koyaunete do aisiiranareta nu, kiperikinite nee cut kuju abao. Cut nee nebeit kes aperio. Ajai eong nenice aisiom, ka ailip. Akaul naka apak naedit anyouni eong kedaun aiwo ikososinei. Ekanisa kere ejai cut toma ainapeta, eponenete itunga, kiboikinos, aoomoom komoyo, kilipete; ngun nges nuebeit ijo aswam. Mere abunore okanisa einer kayenice, ibuni okanisa einer kede Edeke. Kojaunos kaimor eidicanekus kinga ngina. Iteijo? Ijai oni aimor eidicane kede Edeke kopekwana. Ido kapote nee kinera, iboro kere motimot, kaiyapepera, Emoyo elosi. Kobuni loaraman akiibod airam bala adagikan akany eringo aijanakin naka ikososinei kegiara, agiar kopone kaloejjim neteni;

Kwap komusalaba neatwanikini etajaranika,

Kwap nen kanuka aronis abu eong kamonyia,...

..araibo ece kosio loejok loejijim, cut motimot. Eyauni ajaut naka Emoyo Lokalaunan toma airiamun. Iteijo? Abeit.

79 Kiboiete itunga kanen. Ice eraasi luteni-egeunete aimony kosodete abunore kitoni olutaari, aitironokin eringa aijanakin kegeuna da. Ejai Emoyo Lokalaunan nen. Iteijo? Ejai Ekanisa toma ariebo naka aidoun. Ilipete Iikristayon; ejaatar kiwaitin kec. Mam iboiete kanen atai anyaka emina loenyakao, kobalas, "Hei Iliddie, koinak ber ijo eong eraagikon loisutio aituk; akoto eong...ijeni jo. Ijeni jo. Epuda eong...ijeni jo, apak ya neajaar eong kwap ngina airere ka egwelet iboro, akoto eong alimokin ijo, adiakit eong aituguikin ijo. Konye aanyutor eong ngun...nunyoika iwomit ijo kanuangun?" Oo, aitim! Ido konyaritos ngol etogo loka Edeke. Kanuinyo? Erai ileic. Akuan naka Kristo imorikikin nepepe. Aso kanen keboikinos.

Etunganan ngonl loiboie kanen, "Etemari, ijeni jo neilosio oni ngina, loce lo-ka-lo kosodi lo-ka-lo-ka-lo..." mam ngun eroko kokinga kangina, konye toma ne erai etogo loka Edeke.

80 Koputu kilipete; oyangaasi aiboisio kus. Enera kwana eong, mere okanisanakus, iinacan. Mam eong ajeni ibore yen iswamai ijo, enerasi eong kede ekanisa lo. Enerasi eong kikatunga. Iteijo? Erai abeit.

Kwana, neilomunia jo toma koipone kangol, ibore yenisodit ijo ajenun, enyouni ekecokon kinga. Erai Ngesi lotetet. Mam nges ebeit abongonokin *nu, ngun, ka kwa*. Ejai alomun kapak naka aijanakinike. Ajai ngesi toma apedor naka Emoyo Lokalaunan. Elomari do ngesi cut toma neja angajepa nuka akim ace etukokina nepepe. Erai bala kwana epir (iteijo?), ejai ngesi irimirimi. Elosi kokinga kane, kolemoni na. "Aisiiraret nakotoma okanisa: 'INERA EJAKAIT KWANATA, Onac Jones anyoun kotogoke. Moi paaran isawan ikanyauni ebuni ekwam loekusi noi aitor akwapuke. Kolema ikeboro kosodi alosit awai.'" Kopupuni Onac Jones ngun. Erai abeit. Ejaasi ngun toma aiwadikaeta. "INERA EJAKAIT KWANATA, ejaun aberu na enyaritai *Mutan-ka-mutan* ebuni ne lolo, ido abu-iswamat ngin *nu-ka-nu*." (Kwape alimutor eong kopekwana, koany, epone ngol.) Erai abeit, kidokokinos do ngun. Nges ngun. Adautu kwana adumun aiboisit kec kotoma Okanisa. Erai abeit.

Koyangari do ngesi aisiiraret ngin. Ido ibore yenisodit ijo ajenun, egeuni do ngesi alimonokin. Mam bobo ibore itolitoli; adau atakanun sek. Kwana ilosi ingaren, kilimonokini oni aisiiraret.

81 Ido akaul napak adio na...ibore yenisodit ijo ajenun nape edaun aisiiraret, kogeun do ekokoro loka aitangale. Kobuni aberu. Kinerit icetunganan kotoma angajepa ido abala ebe abunit ngin. Nginidiopet kaoni ejeni nuelosete atakanun. Nginidiopet kaoni ejeni ngun. Koany eipone loeutar aiyuun adukun kwana kede kangajepa nuka akim ebwoete kokuju kus. Agea Ngesi atukun nepepe. Kanuinyo, erai bon aswam naedauna; kodaunos ngun.

Aberu ngin...atemari eong, "Ajkt. *Mutan-ka-mutan*, naebunit ko New York City, iboie kane..." iteijo?

"Oo, erai ngin nakabeit. Epone bo ali kijenunia ijo?"

"Erai aisiiraret kama ejai Ejakait mama ejai ekanisa. Ne iraar ijo ikaru itomon akanyape lukapolou. Mam kereka ijo ijai aiboisit *mutan-mutan* ido ibu jo kisoma-koyanga ikapun luka ekanisa, kosodi akokuar ngul, kolosi kinga, kosodi agwelunia igoen lukitetiak?"

"Oo, erai ngin abeit. Erai ngin abeit."

"Ngun cut abu Edeke kolimok sio lolo kanejai Onac *Mutan-ka-mutan*, inera kangajepa; Onac *Mutan-ka-mutan* nges ejuli; Onac *Mutan-ka-mutan* kane nges abala, Nuka amisiikin kangin, abala ebe abunit kamaka Ejakait. Ido ngin nges abeit."

"Eebo!"

"Aso do, INERA EJAKAIT KWANATA, kolot kitetena ngun, ido ipikori ijo ekansa."

82 Kolosi Onac Jones ore, kolemoni aboogin, kobongobongori kau, kolemoni ikeboro, kosodi anyoun kaiboisit kangin. Isawan ikanyauni moi ebong: Zowie! Kotakanuni ibore ngin. Iteijo? Kosodi do ekanisa aitopoloor..."Eyalama, Ejakait Yesu, kanu aKonijokis." Kwana, ngun nges erai, kanuka adukio, naka ekanisa.

Kwana, dobo do arai mam etakanuni akaul nakesi alimun? Apolouke ejai yes emoyo lokajokit akidingot kus. Mam yes ikotosi ibore ngin yenikaronon. Inyobo ber ikototor yesi ibore yenikaronon kwabo-kilelebas akuj kiboro luka abeit luka Pentikost? Mam iyangaari ailocokinet namojong kaneejai ajokit. Kodum ibore ilopet. Ejaatar Edeke kangin kanukon. Kosodi mam bobo yes itolosete airiamununeta ace bobo, ka aibwaikin da idiobore kuju ne, aitodol naitodiaria Edeke ebe ideseikinitos yesi, naarai irai ijo engarakanin ekanisa kotoma aswam naka Akiro Nukajokak. Kwana, imisiik ijo ibore erai ngesi?

83 Ido angajepa, angajepa numam ejenas...Emamei etunganan-loejeni nuinera ngesi. Inera; konye nginiruo kere ejai apolouke. Ejaatar ngin kapolouke [Ibapakini Onac Branham akekanin.] "Gluck, gluck, gluck!" Ejaatar ngin-erai ngin-erai ngin angajep kanenice.

Neajaar eong Afrika, mam eong acamunit, konye nginibore kere yen aruo ajatatar kapolouke. Ebalu Ebaibuli ebe emamei aruo naemamei ajenaarake, komamei apolou. Kanginiruo naiswamaunio ejaatar kapolou mama ejai icebore. Kanuinyo, amina eong apupun itunga ebakasi...Alimuni kereka eong atiar, "Yesu Kristo, Okoku loka Edeke."

Alosi idiopet kakesi [Isomauni Onac Branham aruo kwa nat kalo ijuli angajep naka Africa]. Kolosi ece bobo [itetemori bobo Onac Branham.]. Ido kerai ngin, "Yesu Kristo, Okoku loka Edeke." Iteijo? Kejaatar... amamei apolouke kamaka, konye neajaasi kesi arai angajep kwape eneratar eong kayes. Neabunio ejulan Zulu, Xhosa, Basuto, ka ace kere, abunore, nginidiopet kere nalimunitai, nginitunganan kere abu komisiik. Ido iboro luipupete yesi itunga ngul ingejejeje, ido awomoom bala erai angajepanut, mam erai; ejaatar

kapoulouke. Ibusakinit oni ainakin nges ayongio, aibwaikin ngin toma aiboisitike.

84 Kwana, acepak amamei aisiiraret. Kwana, adaun aijanakin; doodo anyaraun luekotosi ailipasinei olutari. Akaul napak adio icetunganan (amamei aisiraret kokau angina) kikeun icetunganan kuju atipet ngipengin naedumuniata kesi arereng na aswam ngun. Emoyo Lokalaunan...Kwana, ebala Ebaibuli, "Kara emamei loijuli, kosalak ngesi inapakina." Mam ace arai etamit ngesi akot einer biai, kinapakin jo.

Kotema, "Mam eong apedori aswam ngun." Ebala Ebaibuli ebe ipedori jo ti. Iteijo? Kanuangun-edolete ngun. Iteijo? Kosalak inapakina.

Doodo, ne, edoluni apak na ejaunotor iboro kere toma ainapeta, ido arai kesomakin Emoyo Lokalaunan neejai ngesi ainakin aisiiraret, koinak do. Ngun cut nuebeit ijo aswam. Kobuni do aijulunet, kobala, "Ejai Aberu toma ne naenyaritai Sally Jones (Awomit eong emamei aberu kane naerai ekekiror ngol, konye...) Sally Jones. (Iteijo?) Kolimok nges ebe akuar na nges nakawasia naka anyararioke. Kitetena akiro kede Edeke naarai euriana apak na nges ajaut ne." Kwana, ebuni Sally Jones akerit toma olutari katipet koipone kalo epedoria ngesi adolere nen (iteijo?), naarai erai ngin anyararioke nakawasia. Iteijo? Erai ngin ainakin aisiiraret, arai aitagongonet, arai icebore.

85 Erai ngol Ekanisa loka Pentikost kotoma aswam. Emamei arereng imoyon lukarokok aloloun toma, naarai ekapakina...Einakit Ebaibuli becebec, "Ekot korai kede atupanakineta, ido ebe kotoma iuni; doodo kotuboto iyarei arai adepar." Ekanisa ngol. Konye aibo kitodol oni nges lolo? Asomanar, kainyikokin, akwena ido aiyatakit, kojai icetunganan inera kangajepa; kitei ice, kinera nuka icebore tai ido atukonokin; ekecokon da kiswamai icebore; arai icetunganan atukonokin. Ee, mam ebeit kwangin. Acepak kolimonokin ekecokon, ido icetunganan anyoun ka aitolitol nges kotoma...Acepak kosiomi Ebaibuli doodo icetunganan...Esiomi Ebaibuli, doodo icetunganan einer kotoma angajepa kokau kangina. Oo, mam! Iteijo? Ekalimonokinan okuju kotoma Olutari elimonokini, ikeun icetunganan do aitolitol nges, einer kotoma angajepa. Ejokuka kere. Mam eong abala ebe mam erai Emoyo Lokalaunan, konye ibusakinit ijo ajenun eipone loitosomaet Emoyo Lokalaunan (iteijo?), aitosom Nges.

86 Kwana, ayangarit eong-eong...Eringa yesi ijaatar kapak naka adiope bobo? Doodo, moi erai Nasabiti. Doodo, kilosi...Kalototo do ber oni...Ejai adiope ne. Awomit eong erai naepol asianut. Doodo kwana, korai ber yes kere acamun atitingikin eong aojau naidakikan idis, elipit eong. Doodo, akoto eong ijo-akoto eong ijo adumun nu. Engadakit eong nu kede alosikinet. Erai na nakawasiaka.

Kwana, nasodit, alosi eong asiomun iboro iyarei luabu itunganan kingisite. Ejai toma apapula, iwadikatete koipone loelai noi. Emamei eong aijen arai ngai, mam icikakitai akan toma-toma adio kakesi.

Onac Branham, erai kereka ibore edolit ikejanakinak ayangaikin aojau amoot ikapun kotoma aijanakinetakec, kobalasi ebe alimoki Edeke kes ebe itunga luetia ne kotoma obiina kes ebeit ainakin luetia ne? Arai eraasi ngun abeit, akoto eong ajenun. Arai mam erai abeit, akoto eong ajenun. Etapasata ngun eong adepar.

Kwana, iseseni jo, opapero, alosi eong alimokin ijo, alosi eong alimokin ijo nuaomit eong. Iteijo? Kwana, mam ngun eraasi abeit. Awomit eong erai ibore yen erono.

Kwana, awomit eong nu. Abu Edeke kijuka eong omanikor. Aanyunitor eong apak asubitor eong bala do...ido komameete eong ikapun cut. Ido katemari, "Itotoroto asaanit naka icakan."

Ido abuni loepolokit aiboisit mamaka kosodi atemar atiar, "Koany, Billy, kijaar oni dollars ilukumin ikany ekadakina lolo, Esapat. Ijo ijaatar ka ikapun ko Jeffersonville atacia?"

Abongokini eong nges, mam ace. Edeke ejukuni eong ne, kara tai mam eong abu. (Iteijo?) Kitotor bon asaanit naka icakan bon."

Ido eroko airiamun kengetakina, kolimuni icetunganan, "Ijeni ijo, abu Edeke ibwaik toma otauka eong ainakin dollars ilukumin ikany mama ejaasi nu." Iteijo, iteijo? Nasodit, ekoto kingarenikitete ijo.

87 Mam eong eyuunit eiri, ka aingaingaitoi, ka ailipitoi ikapun. Awomit bala erai ibore yenikaronon. Kwana, onac, arai kisoma ngun, mam kiinakini eong aitakadikin ijo. Iteijo? Aticepak ijaatar ijo kacamakinio kama ejai Edeke aswam ngun. Konye enera eong kanukang bon. Mam eong eyuunit ibore ngin.

Kwana, ajeni da ber eong ikejanakinak luelosete kosodete atemar...Abwoit eong ejok, mam elwanikina apak naatubor...Kwana, mam ne erai Ipentekotin, erai ne...Ee, erai ikanisan (iteijo?), ikanisan luce. Kera kairiamun naepol. Gertie, ijai jo keong, ipu ice luajaasi. Ido apotu koyangaasi atiibong kere korionget loejenara-iyarei arai iuni kakesi nepepe (ngul kes ikanisan lupetai tai, kwa nat kiwokokanisan lukalolo koibuga, ka ice da kwangin) kotoma atukonokin naepol-ido apotu koyangaikisi atiibong kere, abwa kotut-ido kitukurianete ebe elosi Edeke amudiar ikeceraan, elosi ainakin ikec dwe angwalu, keda iboro ice kwangin, arai mam kes ibwaikinete toma airiamun ngin. Erai ngin abeit cut, keda Ebaibuli ejai akonyen ka. Katema eong atiar, "Erai ainyanakin Edeke ka atupitokoKe." Arai kijuka Edeke ijo, idari ngesi dajo. Arai

mam Nges kijukarit ijo, kidar bodo ijo erionget kidar jo. Konye-konye ijo...aArai kijuka Edeke ijo, kidari ngesi ijo.

88 **Dobo do abolia naka Ekrismas kOkanis Loka Emoyo Lokalaunan?**

Ee, arai erai nuikamunitos Kristo, aticepak mam erono. Konye arai erai Santa Claus, mam eong eyuunit nuka ngol. Apoloor eong-apoloor eong akiro toni anyoun kama kangun. Mam eong eyuunit Santa Claus cut. Iteijo? Ka ice boro nguludidik luka Ekrismas luejaatatar kesi, awomit eong bala esil. Konye awomit bala alemasi kesi Kristo kinga ko Krismas kosodete aibwaikin Santa Claus toma.

Ido Santa Claus, erai awaragat naemocutai. (Mam eong awuta aitipipil yes, amuno eong, kanuka idwe.) Konye kalimokini eong yes. Kane mam elwanikina apak naetuboro, bala ikaru nepetai akaisarei kalukany, akaisauni kau, neabu ekejanakinan lokoibuga kalo, ekecokon loka ekanisa ece lopeti koibuga, loabu eong kajeni ejok noi neteni, epapero lokotau, obu kobu neajai eong. Ido Charlie Bohannon (Onac Mike, iitunitt ijo Charlie Bohannon, opaperoka lokajokan noi)...Eboie kanen kotoma oyapesike kosodi atemar atiar, "Mam cut eong alimokini ikadwe aria adumun ikatatai elimokinio esabet kwape nat kangol bobo." Kotema atiar, "Ikakoku yenididi losapat abunore neajai eong neadolio ikaru bala itomon kaarei, ido kinera nuikamunitos Santa Claus..." Kosodi ngesi, atemar, "Inyobo...Lominat, ejai ibore akoto eong alimokin ijo," kobala "Toto..." Ijeni jo, ido kolosi akonye alimonikin ngol nuesomat ngesi.

Kosodi ekaulo kobonguni ngesi, kotemari atiar, "Papa, erai kereka Yesu lo ibore ngipengin?"

Kiner abeit. Santa Claus ngin erai asubunet naka Atulik nuikamunitos etunganan ece, Kriss Kringle arai lokalaunan Nicholas, epolon lokalaunan lotulikat loko Girimani ikaru luipu kolo loerimorit aisomanakin idwe nukajokak. Kosodete do ayaun kwape einono. Konye Yesu Kristo erai Okoku loka Edeke. Erai loejai, ido ejari.

Kwana, aingiset nata, Nawasia, naerai...

89 Koany, aticepak mam ijo icamanaros keong kangun. Konye arai mam ijo icamanaros keong, kiitu, ekoto ngin korai kotoma eipaperone, icamuni jo? Amina eong ijo ido mam eong akoto aitunyurikin ijo. Arai eong, akoto eong alimokin ijo abeit. Arai mam eong apedori...arai kalimok eong ekasapat esabet, apolouke arai eong ekasabat. Iteijo? Akoto eong alimokin nges abeit.

Kwana, alimokini eong nges nuikamunitos Santa Claus, kabala, "Eeba, abeit, ejai Santa Claus. Kosesen Papa kakwar naka Krismas." Iteijo? Eeba.

Ijeni jo, apak ya ajai eong kwap ngina, ido abu eong katam ngun kipese yenididi kanu aanyunia. Abeit abu eong kadum atacio apaaran ya iwalaru bian. Ajai eong togo. Kojaasi ebwoete kanen, kwap nee Quaker Maid. Ido alosit eong kwap ngina agwelun iboro. Kasodete isio, aberu keong, kijai isio toma nen. Kojai ipese yenididi, nepetai bala ilapio itomon akanyauni luapolou, ido abwoi kanen, kolosi, ewoi, "Dingle Bells, Dingle Bells..." Kasodi eong atemar...Kotoma abwoetait ke naedit, ijeni jo, kiboie kokau naka amagalit naedit.

Katema eong atiar, "Ijai jo amoot Santa Claus?"

Kotema atiar, "Papaka ngol, Ipa."

Katemari eong, "Kisirereng ikonitau yenididi, Naminat. Ejai ijo acowa."

90 Kwana, lo do nges iminai cut, ipapero. Ido erai...kasodi agolokin. Oo, erai-erai Naiwadikatai Obaibuli naibus, konye erai naiminai neejai nginitunganan yen esubit bala erai. Ido obu imakakin neajai eong ikar ka ikar; ido bon kasianut naka Edeke...ido akaberu naminat, iboie kokau angina kopekwana, neapupunio ngin ebe ajaatar eong kaingiset ngin lolo paaran, abu kotema, "Bill, epone ani ibongokina ijo ngin?" Kotema, awumokit ber eong duc ngun alopet." Kobala, "Mam ti eong kapedo amisiikin." Ido kotema...

Katemari eong atiar, "Kobu lolo, naminat. Atami eong nuapedori kere ka agangat naka Edeke."

91 **Onac Branham, kitacau ber ijo Iburanian 6:4 kitoni 6.**

Erai ngin apak adiope naabu ngin teniteni...Koany, kwana ekotokin ijo asesen ne kotoma aiyuun wok, asianut, ayuara naka ikeyuunak, atitingikit naka lukalaunak, atitingikit, ti gwai, naka lukalaunak. Iburanian esuula 6, 4 kitoni 6.

Kwana, nape...edaunos nu, aomit ebe ingarakini Edeke eong aitacaikin yes ngun cut. Kitimoto, kijaar ka Aisiirareteka kanuka lolo; acepak abuni eong alimonokin ngupengun tupuruc kotoma...kotoma aijanakin. Akaul kalosi do eong.

Kwana, lo do ngesi iminai cut. Iteijo? Kwana, ekot ijo asesen. Kiitunite, kiyuunit isio ka aisisianakin da kokanis kalo, mam erai ebe nginibore kere ebuni kede acelanar, ngin bore kere yen inera kangajepa, nginibore kere yenijangi akanin kede ekalimonokinan, ejaatar kAijar naka ikar kere. Konye kiyuunit ebe

arai ijaasi ijo kAijar naka ikar kere, arai einakit ijo Edeke Aijar naka ikar kere, ijaatar do ijo kaNgin ikar kere. Iteijo? Naarai kosesen. Karai komam, ti kedumun Yesu erai esisiankinan lokaingal. Kotoma Yokana Lokalaunan 5:24, abu kotema, "Ngin yeniirari aAkakiro ka aiyuun da Ngol lokejukuni Eong, ejaas kAijar naka ikar kere, kwabo mam elomari toma atubokinio, konye anyou kotoma atwanare aloma Aijar." Kwana, kopegakinos kaNges. "Kere lukainakini Papa...Emamei itunganan yenipedoru abunore mamaKang arai mam iriunit Papa. (Auta eong atakun Nuiwadikatai Obaibuli.) Ngul kere luepote...Emamei itunganan yenepedoru abunore mama Ajai arai mam iriunit Papa. Kere lukainakini Papa epote mama Ajai. (Iteijo?) Ido ngul kere luepote mama Ajai, ainakini Aijar naka ikar kere (Yokana Lokalaunan 6), ido Eong da etajaruni nges kapaaran nakawasia." AkiroKe Ngun.

92 Aso kosesen. Arai akoto eong abongor toma Ipeson esuula losodit, elimonokini Paulo...Kwana, Ikorinton, nginidiope ajatar ka angajep ka esabuli. Iwanyu jo lucekanisan amameatar kede ationis ngin. Mam abu kolim adis nuikamunitos ngun. Konye iiritor tope Ngesi alimun angajepa kaiboisit adio kere kotoma okanisa loka Ipeson, kokanisa loka Iromayon? Mam! Ajaatar kangajepa kede nginibore kere kwape kejaatar Ikorinton, konye kejaasi kotoma ainapeta. Mam Ikorinton apedorete aibwaikin kotoma ainapeta. Iteijo? Konye abu Paulo kolot ngina aibwaikin ekanisa toma ainapeta.

Kwana, erai...eyuunit, kwape abalar Oral Roberts, "Erai Edeke kereka Edeke loejok."Yesi mam iyuunitos ngun?

Ido ibala ijo, "Ee, idobo do Ipetikotin kede angajepa, Onac Branham?" aomit eong ejaatar kesi kEmoyo Lokalaunan. Cut ejaatar. Erai abeit, kanuinyo? Kosesen. Iyuunit ijo ebe erai Ngesi Edeke loejok? Abu Tomas adiopeparaan, "Ijeni kereka Ijo, wu Ejakait..."

Lucekwi kere apotu kiyuutu Nges. Kobalasi ebe,"Oo, kijeni isio ebe erai Ngesi loteni!"

"Oo," kotema Tomas atiar, "Mam, mam, mam eong eyuunit ngun. Eipone ediope bon loeyuunia eong ngun, ekot ber eong adumun aitogogonget. Ekot ber eong aibwaikin da ikabokor apedono nuka amaranaKe ka atiror apoorei nuka isumalin kakaniniKe."

Erai Ngesi Edeke loejok. Kotema atiar, "Kobia jo, Tomas. Ija ijo ne."

"Oo," kotema Tomas atiar, "eyuu kwana do eong."

Kotema atiar, "Eebo, Tomas, akaul najo aanyun Eong, ka atiror da Eong, kaibwaikin Akanika... akonikanin amaranaKa, kiyuuni do. Konye eipone loepolor eropit loka ngul luyuuunete komam eanyunito." Erai Ngesi Edeke loejok. Einakini Ngesi jo eipud loka etaukon, abeit. Keyuutu cut Ngesi. Erai ngin-erai ngin- erai ngin aiumaunio naka atwanare mama ejai Satan. Naeyangaria etunganan Edeke kotoma AkirotoKe, onac, eyari ngin Satan kanginipak kere. Erai ngin ainomio naegogong naepedoru Satan adumun, naeyangaria etunganan Edeke kotoma AkirotoKe. Eebo, ipa. Kwape abalar eong, "Mam etunganan ejari bon (Yesu, kakwaar kaya), konye nginiKirok naelomuni kinga..."

93 Kwana, koany nu. Alosi kwani eong agear kokokoro losodit:

Kanuka ngun kenyeis einer akiro nusodit nuka aisisianakin naka Kristo, keyatakinos apoloo;...(kwana, ibore yenisodit yen akoto eong ajenun: ingaibo kineratar Paul kane? Iburanian. Ebalasi kesi ebe, "Iburanian," kokuju, Eitabo loka Iburanian. Eraasi ngun nukabeit? Iyudayan luapotu kongeroto Yesu... ipedoru ijo-kwana komisiik ber jo ngun? Inerasi Ngesi ka Iyudayan, aitodikin kes etoribe loka ekisil kwape aitupuset naka Kristo. Iboro lumojong eraasi aitupuset kaluitetiak. Komisiik kwana.)

...kenyeis einer akiro nusodit nuka aisisianakin naka Kristo, keyatakinos apoloo;...

94 Kwana, ajai ngesi ineras kakes nuka aisisianakineta. Kaloto kenerata Nuka iboro luisitekooritai. Kwana, isitekooritai ijo kotoma Edeke naipucakinere ijo keEmoyo Lokalaunan *kitoni* apaaran naka alakuniokon. "Ngin kere yeneurio kama ejai Edeke (Yokana Losodit) mam iswamai adiakar; mam ediakari, naarai esalit EkinyomitiKe tomakeng."

Etunganan loilelebas ka Emoyo Lokalaunan, mere loewomit ebe ilelebas ngesi, konye ngin kere yeneurio kama ejai Emoyo loka Edeke mam iswamai adiakar. Naarai esalit EkinyomitiKe tomakeng, ido mam iswamai adiakar. Iteijo? Ebalasi kereka Ebaibuli kwangin? Aso kes ngun. Irai ijo...Mere nuiswamai ijo, inyobo, erai inyo, mere nuwomit akwap kanukon, erai nuwomit Edeke kanukon. Iteijo, iteijo? Mam ijo ipedoru... Eipone ali ajaunotor eong kainapetai kane ejai ekapolon loka eibuga, ebe apedoru eong akerit amairon akaisangon ngolisawa koibuga, ido ediopolisit aikamun eong? Mam eong apedoru. Eipone ali adiakaria eong kojaasi Aokot nuka asubanit akonye nuka Edeke tiritir kopekwangin, nepedoru Ngesi aanyun eong da; kojai aigalisit toma-toma...ingarenika ka Edeke, ebuku loka Aokot? Naarai irai oni luitwakit, aijar wok erapiara kanejai Kristo kotoma Edeke, ipucakitai ka Emoyo Lokalaunan. Eipone ali kotoma akwap ipedoru ijo aswam nuarokok kakonyen nuka Edeke? "Naarai arai kilosikinit adiakar (Iburanian 10) akaul nakidaunia ainakinio ajenun abeit, mam esalit bobo asubanit kanuka adiakar." Toma ne erai ngin namam bobo epedor (iteijo?) alosikin adiakar.

95 Kwana, aloto iingaren kisiomi. Edolitos ngun.

...eyatakinos apoloor; kenyéis bobo aipet apetetait naka-naka aitoronikin kanuka aswamisio nuetwakito, ka...aiyuun Edeke,

Aisianakin naka aibatis,...ka aidokokinio akanin, ka ajarun naka lukatwak, ka atubokinio da naka ikaru kere.

Iswamai...da kwangin, arai ekoto Edeke.

(Kwana nenges akototor kesi ageara, ageun kokokoro lo 4.) *Mam epedorete ngul...luadaut kolo ainwakakinio, kiirata da ainakinet nakakuj, luaraunos ikamorak Emoyo Lokalaunan,*

Kiirata da ajokis naka akirot naka Edeke ka apedor da naka ikaru luepote,

Arai kibiroros ainyein ngun, aiteteun-aiteteun bobo aitoronikin; naarai ebubukis bobo Okoku loka Edeke kanukec, esurumata da ileic kaitebeikin.

Kwana, kwana, esubit bala, koipone kalo isiomia ijo ngun kanen, ebe epedori etunganan adumun Emoyo Lokalaunan, kosodi abongor kau ka awolior da. Konye mam erai naepedor kanuke aswam ngun. Iteijo? Mam epedori aswam ngun. Arai kiswama, aesabit do Kristo. Iteijo? Mam epedorete ngul luadautu kolo ainwakakino. Kwana, kosesen ne. lukangai ineratar Ngesi? Inerasi Ngesi kIyudayan ngul luemamei lukoikor. Mam abu kolim ebe etunganan loilelebas kEmoyo Lokalaunan; abu kotema, "Arai kiir ngol Akirot naka Edeke."

96 Kwana, akoto eong ainakin kopone lo awaragan, tetere ijo iwanyuni komam itwaniari. Kwana, iwadikaikini ngesi Iyudayan Lu. Ice kakesi eraasi eyuunak lumam negongakina. Iteijo? Kotema atiar, "Kwana, kilosi aosikin aswamisio nu kasodete alosit einer nuka aisitekorio." Kotema, "Kwana, kinera nuka aibatis, ka ajarun naka lukatwak, ka aidokonokinio naka akanin, ka ice kere; konye kenerata ber kwana nuka aisitekorio. Kwana, kilosi einer nuka nailomunia jo toma Omoyo Lokalaunan. Kwana, ijaunos yesi toma airiamun adaun aojau..."

Idautu yesi aanyun itunga ngul. Esalakinete nepenen; mam elomunete toma arai alosit kinga. Iyalamasi kanuka Emoyo Lokalaunan. Epote ne. Ido acepak iswamai Emoyo Lokalaunan icebore kosodete, ikiliok, esomanaros kesi ka acelanar, ka asomanar kuju kakwap kanuka ngun, konye mam kes ikulepek ekotosi aijaun Ngol. Mam, mam! Iteijo? Ido kobalasi, "Oo, eebo, ejokuka ngun. Oo, mam eong ajeni nuikamunitos ngun kwana." Iteijo, iteijo, iteijo? Eyuunak lukoikor. Eyapikinete cut kitoni aiir Ngol, konye mam ijaunete Ngesi. Iteijo? Kwana, esalakinete nen adaun aojau kitoni negeuniata aikunyar awai cut. Apedori eong anyara ikirora kaluipu luajaasi okanisa, luapotu kiswamata ibore ngipengn. Aibiror erot kere awai bobo, aiteteun kes bobo toma aitoronikin, emamei aitoronikin kanukec. Eraasi lutakadikinete Emoyo aisukunyaar awai kamakec. Eyapiete lem kesi cut kitoni...

97 Ne, arai ipedorete yesi apukor keong (emamei yes apak, ajeni eong, kwana) konye arai ipedorete yesi apukor Ikisila Esuula lo 1 ido aisiom nges, idumunete yes ibore ngipengin. Aigirar kwana kitoni kwap, Ikisila Esuula lo 1. Kwana, ido agear kotoma okokoro lo 19 kosiom cut kitoni 26. Ikisila...ijenunivjo...kwana kosesen. Israel kere...nunyoika apotu itunga kiswamata, apotu kodolutu Kades-barunea. Oo, aseseni eong icebore! Ekanisa lo, ejai akwap na naka Pentikost toma Kades-barunea kopekwana. Eraasi ngun nukabeit becebec, Onac Neville. Ija oni toma Kades-barunea, oicolong loka etube loka akwap (kerai eicolong loka etube).

Ido apotu ikangicak kolototo kinga. Kotema Yosua kane, "Kwana, ejukarit eong ikangicak," arai Musa, gwai ti, "Ejuka eong ikangicak, itomon ka iyarei, idiopie kotoma, ediopie etunganan kotoma nginiteker kus. Ejukarit eong kes aingic akwap ido ainyakun akiro." Edolit nen?

Ido neabongunioto, araasi ikanyikaongon kotoma otomon kaarei luabalasi, "Oo, erai akwap naejokuna, konye oo, mam oni kipedori aikamar nges. Oo, ikatuan! Ejaasi Imorain ngina, ido isubit oni bala ibeerei kanejaasi kesi. Ejaasi kijiisio. Arwatatin kec epolok. Oo, arai da...kanuinyo, karai ti atwakitos kokwap kangina kotoma Misiri aibois na jo ayangaun isio kinga ne."

98 Konye, kosomunos Yosua ka Kaleb kuju kosodete aisililing kes; kotemasi, "Kirai oni lukipedori adepar aikamar nges." Eebo, ipa! Ediopie ngol kanen. Kwana koany. Inyo abu kotakan? Ajenete Kaleb ka Yosua ebe abu Edeke koinakinete aisumunet: "Mam eong apodo arai epol ngesi biai, arai etia aigalisio ai, arai ikiara biai, arai epolok biai, emameatar ngun kidiobore kotoma kangun. Edeke nges abala kwangin, ido kipedori oni aikamar ngin." Konye ijenete tope yesi ebe arai kes itunga iarei bon, komillionin iarei katutubet, luapotu kotubunos toma akwap? Naarai apotu kotingata akeceiyuun kotoma ngun nuabala Edeke ebe kes Abeit. Amen!

Eyekalu, kopekwana, ebwoi ko Kades-barunea. Koany, ayapiaritos itunga ngul noi kitoni ne da apotu kiiriata araito nuka imusabibun luka akwap kangin. Apotu konyama araito nuka imusabibun. Naelosioto

Kaleb kaluce ngina kosodete ainyakun araito nuka emusabibu, apotu kolemununutu ace konyama da. "Oo, ejokuka, konye mam oni ipedori aswam ngun." "ngul lueirata aswam nakajokan naka Edeke, eirata nuka Emoyo Lokalaunan, aanyutu ajokisiKe, eirata da Nges, adautu aiir nuka Akirot naka Edeke..." Iwanyu ngun? Emamei idio kokiliok kangul, mere karaida idiopie da kakesi yen aponi kocamakinai alosit adokar ngina. Apotu kotwakikisi akwapukec kikulepek, lailo toma amoding. Mam apotu kodokasi ngina, konye koyapiaritos die cut kiton aiir Nges, konye komamei asianut ka aiyuun naelesikino kanu ayangar Nges. Eipone ngol ejaar.

99 Kwana, kopupok itunganan ngin yeniminat yen ewadikai ebalua lo. Asiomutu bon oni ekokoro loetupakit. Kosesen kanu edakika ediope. Kosesen Paul. Aso kasiomata lo 7:

Naarai akwap naamat akiru naetepanakini irwan ipu, kosodi kobwang akui nuibusakinito ngul luekorionokinio, edumuni arereng naebuni kama ejai Edeke.

Konye arai kitolom ikukwa ka isukukur, engeritoi, ido eapie aikenio, esangeke aicweio.

Kwana, koany nuebala ngesi? Kwana kite. Ajai aingiset na ne; kwana, doodo oni agolokin...akoto ibore yen aiar eong adaun ikaru luipu.

100 Alosit eong airiamun ace kadiopepak ne eneratar itunga kangajepa kotoma Mishawaka, Indiana. Kwana, ajai eong atukos naka itungaka. Iupunitotor yesi itunga ngul...ipupunitotortos yesi eong enera nuikamunitos akiro Nuka aijaraka, ido nuikamunitos eirionon loabu kotema, "Elota, elota." Kwana alimokinitor eong yesi.

Konye nuce nuideuna kotoma kangin: abu eong kaany itunga iarei. Ajaasi...einakini idiopet aisiiraret, kijuluni ediopet. Kosodi ediopet ainakin aisiiraret, kijuluni ediopet. Ido onac, araasi abeit. Nupenu bon... Aomit do eong, "Ikatunga! Mam eong aanyunitor ibore kwa nat kangin." Katema eong atiar, "Ajai' do eong akidingot naimalaikan." Awomit do eong, mam eong aanyutor idio bore kwanat angin...idiopet einer, ido idiopet yi...

101 Kasodi eong aiboikin kau ngina, kwape alimonokinan lomojong, ijo...[amamei ibore ajai ateepeu kanen]... iyarei kere ace pak kasodi aijang akec akanin. Mam eong aanyutor itunga kwanat angun ajar ka kere. Elimunete aisiraret, ido ediope je aijulakin. Ido ika, ika! Aumokina noi! Ediopet, inera ido ediopet aijulakin. Iyarei kere...ido kopotu ijulakinos araun neakwangan nekeitotorakecakanin kuju. Kalosi eong awomoom, "Oh ika,ika, arai bodo ber ai ajai eong ajar kakere. Ibore ilopet do yen! Katema atiar, "Edolitos ika Pentikotin." Abeit ngin cut.

Mam eong aanyutor nuipu, konye nupober ajaasi cut nee, nei...aticepakit angor adis ejaasi keda aiyakiaret nenice. Ido kosodete acelakin; ido adiopet anyara adiopet, "etogo atarukon," ido, ijenijo, kopekwangin, osubitos bala ecelasinejai yenice. Komam erai aicaar angor kwana arai, konye ti...ajai olow Ebb. Karai idio kayesi...iyitutos yesi, Onac Graham. Irai ijo ikoku yen didi apaarasia ngun. Ido epone ngon ajaar.

Kasodi eong aipup ngun, kasodi eong awomoom, "Oo, ika, adum eong imalaikan."

102 Kadiope apaaran erimuni eong kokoona loka etogo, bala apaaran nakiyareit, keriamunos eong kediope kakesi. Katemari eong atiar, "Biai bo ijo, ipa?"

Kotemari, "Biai bo ijo?" kotemari, "Irai...Ingaibo ekonikiror?"

Katemari eong, "Branham."

Kotemari ngesi, "Aibo ibunitor ijo? Nepene?"

Katemari eong, "Mam, abunit eong ko Jeffersonville."

Kotemari ngesi, "Ee, ejok nen. Irai jo Epentikotit?"

Katemari eong, "Mam, Ipa, mam eong arai." Katemari eong, "mam cut eong acamunit eipone loka Ipentekotin loka adumun Emoyo Lokalaunan," katemari eong, "konye keja ngun da," katemari eong ebe "ajai eong ne aisiaun."

Kotemari, "Eebo, ejok nen noi." Ido einer ka ngesi, aikamun emoyoke (kwape aberu kaya najai atan, arai ngesi Ekristayot obe. Onac, apeleikinit eong ebe abu ngol kolomu ejok. Arai loajokuna. Kwana, yes kere...idi bo ejaunar kairiamununetaka ido aanyun iboro ngul etakanunete? Iteijo? Ido etunganan ngol arai loadolit necut. Kanuangun, aomit eong, "Nen! Ika, eumokina bo lolo ne biai!"

103 Bala atiibong ngin, paaran kacepak, keriamunos eong kediope je da. Katemari eong, "Biai bo ijo, ipa?"

Kotemari, "Biai bo ijo? Ingaibo ekonikiror?" Kasodi eong alimokin nges. Ido kotema, "ijaatar...irai-irai ijo Epentikotit?"

Katema eong atiar, "Mam, ipa, mere ebe cuticut Epentikotit, mam eong aomit." Katema atiar, "Ajai eong lailo bon kanu aisia."

Kotema atiar, katema atiar, kotema atiar, "Idumunitor ijo Emoyo Lokalaunan?"

Katema atiar, "Mam eong ajeni." Katema eong atiar, "Kotupitete nuidumunitosi yesi kere, aomit mam eong adumunit."

Kosodi atemar, "Ineritor angajepa?" Katemari eong, "Mam, ipa!"

Kotemar atiar, "Mam bodo ijo idumunitor Nges."

Kasodi eong atemar, "Ee, aomit eong erai abeit." Katemari eong atiar, "Mam eong ajeni. Ajai lem eong alimonokini nepetai ikaru iyarei kau," Kasodi atemar, "Mam eong ajeni nuipu nuikamunitos Nges." Katemari eong, "Acepak mam eong ajeni." Katema atiar, "Mam eong apedori amisiikin..." Naarai kanuinyo, atamit eong aitasalikit nges nen (iteijo?), kanu aikamun nges. Ido naeswamaunia eong ngun, arai eirit eong airiamun ka lokesoswai, kerai nges ngol kanen ediofet kakesi. Aberuke arai nairiono-akou; konye kiboiete keda aberu naerengerenget-akou, naedumunitotor idwe iyarei; ido kereka kinera kangajepa, kijulete da kes koipone loibecokino cut. Kasodi eong atiar, "Kwana, Ejakait, inyobo do aloma eong tomake?" Kaneajaasi imalaikan, mam eong ajeni ebe inyobo aloma eong toma. Katema eong atiar, "Arai eong loka nugeunet; ibusakinit korai Ebaibuli. Ibusakinit korai abeit. Ejai ibore yen erono kanenice, wu Ejakait. Eoedoros biai ngun aismama?"

104 Abu eong kalot airiamun akwaar ngin, kosodi Emoyo ngol kodounene; ido onac, kipedori ijo apupun Nges, ebe erai Emoyo Lokalaunan. Eebo ipa! Karai komam erai, abu gol kitejenaaros ka ekamoyo ebe kerai Emoyo Lokalaunan. Karai eong ekalimonokinan loadit, ido mam ajeni ediofene, loikamunit amisiikin itaun naka Emoyo. Konye keboie eong kanen. Ido ajeni eong Edeke ngol cut loabu ketajar eong, arai atiroret ya nges ngipengin...apupi do eong bala alosi eong kokuju naka atunyuru, kerai ejautene loajokuna noi kotoma aduketait kangin. Ido kaomoom...

Kedolitos bala elukumit kakwatakany kangina. Ido kaomomoom eong, "Loka, oo, loka! Eriamuna nepepe atukosia aarei arai auni kakesi. Ido kaomoom eong, "Atiar, loka! Eipone ali epedorortor? Kwana, Emoyo loepol ngol ijesun kotoma aduketait kopone kangol; kwabo kane, kosesen nuelosete akonye kokuju kangina, ijaka ngul inerasi kotoma angajepa, kijulete, koinakinete aisiiranareta cut ejok-kwabo korai ediope lokesoswai ido opaupake etunganan obe loka Edeke." Abu kaomoom, "Kwana, igurokina eong aomisio kere. Mam do ber eong ajeni nuisoma."

105 Eebo, atipet akaul kangun, opaperoka cut obe, Onac Davis (ijenete yesi), abu kogeu atemar ebe arai eong idool. Erai ngin idool. Ngin nges aputo naka ikoku naeboliar ikoku yenipese, ijenete yesi. Kwangin do, arai eong emululut, kwangin do...abu kogeu aboliar akiro, ido kinyikokite, kosubite bala kekwenar eong.

Ido kijaar isio kede naedit...Ido toto nakon ka isio kere ijaununor toma airiamununete nudidik kaboisio nuegelegela. Mam ber-mam ber ekanisa etosomao kapakio kangun, ido kijainikin airiamununeta nudidik kaiboisio nuegelegela. Ido awasia kadiopepaaran, akaul nadaunere aiduk ekanisa, ikaru luipu kokau, abu eong kalot adokar laiye Green's Mill toma abua ailip, naarai enerit Onac Davis iboro luarokok luikamunitos eong kotoma apapulake. Amina eong nges. Mam eong akoto idiobore atakanun, kanukangun kalosi do eong kuju ngina ailip kanuke. Ido kalosi eong kuju ngina, kasodi eong alomar abua. Kasodi eong aiboi kangina bala apaarasia aarei. Kasodi atemar, "Ejakait, kitim nges. Mam epeleikinit-epeleikit ngun." Kasodi eong awomoom, "Ijeni jo..." Kotakanuni bon ebe abu eong kaomoom nuka Naiwadikatai Obaibuli kangin.

106 Kasodi eong alosit kinga. Ido ajai apungure (apungure ngin eringa eperi kangina, ido eboikino eong kujuke apak adio kau) kwap eiduny ka erongat ido koperi kiriikino toma esokot loebuni airimun kocilet. Kasodi eong akacakin apungure akeje, kaseseni juwai naka irongan, kau cut ngina, ido keperikite Ebaibulika kinga kopone kangol. Awomit eong, "ijenete yesi..." Auta eong aomoom nuka ace Naiwadikatai: "Ekatan copper ngol, kemusung eong erono noi, ido ener iboro." Ijenete yesi...Aomoomoi eong, "Eyuunit bala ti kasiom ngun." Abu kapuko Ebaibuli, kasodi atemar, "Eebo..." Keputari eong ekareet, kokutuni bobo ekwam, kosodi apukor toma Iburanian 6. "Ee," katemari eong atiar, "Mam erai nen ejai." Kasodi bobo eong aiperikin Ngol ainyakakin kwanata. Ido abu ekwam kokut bobo, kosodi apukor Ngol bobo ainyakar nepenen. Kasodi eong atiar, "Kwana, itegelikina ngun, ekwam akutar nges bobo ainyakar nepe sek ." Kanuangun abu eong kaomoom, "Eebo, ekotokin do eong aisiom nges." Ido kobala:

Mam epedorete aiteteun bobo, ngul luadaut kolo ainuakakinio,...luaraunos ikamorak Emoyo Lokalaunan, kiirata da...ajokis naka akirot naka Edeke, ka apedor da naka ikaru luepote.

Abu kaomoom, "Eebo, mam eong etei idiobore kangun." Abu kasiom nges kitoni kwap, esuula kere. Amamei ibore kotomake. Katema atiar, "Eebo, ngun-kodaunos ngun kanuka ngin." Ido abu eong kaany ngun kwangin, kwabo abu kobongok bobo. Kasodi eong alemun Nges kanen, ido abu kaomoom, "Ee, inyobo do ngin?" Abu kenyikok aisiom nges, ido aisiom nges, ido aisiom nges, katemari eong atiar, "Eebo,

mam eong amisiikinit." Kasodi ainyikokinit...ido keyatakini eong aisiom kwap:

...mam epedorete aiteteun bobo, ngul luadaut kolo ainuakakinio,...

Kobuni kwap nee aiboisit naebala:

Naarai akwap...namat akiru naetepanakini irwan ipu, kosodi kobwang akui nuibusakinio ngul luekorionokinio, edumuni arereng naebuni Kama ejai Edeke:

Konye karai kitolom ikukwa ka isukukur, engeritoido eyapie aikenio; etube ke erai aicweio.

Abu katema, "Aumokinit eong arai inyo apolou kangin?" Ti eong...

107 Kwana, mam eong aoomoi idiobore kokuju kangina. Bon aomit eong ebe. Ido nape aringa eong eboie kanen, abu kaomite ebe ebuni Ejakait ainakin eong aitapoet kanu Onac Davis ka ice da kokwap kangina. Ido eboie eong kanen; abu kasesen, ido kaany ibore ice ibelonokin kokinga kotakani kane aorori koingarenika. Ido kerai akwap ajai aibelokin. Ido abu kaany ebe adataritai, kasubite bala ilobooritai kere. Ido kolosi Etunganan kede ibore yenepol koingarenike ileleba ikinyom, ido kouta aiwe ikinyom akwap kere elosi Ngesi. Kolot airimor juwai nekuditor akwap, ido kooliori do kakonyeneka. Ido nape eoliori Ngesi kakonyeneka, kobuni etunganan loasubit bala idadato konapite goen luiiriokok, kolosi irimirimi kwanata, kolosi, whew, whew, ewei ikinyom luarokok, whew, whew. Kasodi eong asesen nges, ido kiyatakite akwap airim...

108 Akaul napak kobwangunete akima. Ido kebwangata akima, kotoma kanen kobwangete ikukwa, ka isukukur, ikodokodo ka edoan, ido nginibore kopoloi kanen, inya luakile, nginiibore kere ice kopoloi kotoma akima. Ido kopolooto nepepe. Ido kobuni akamu nakabeit nateni, akamu nakaronon, kosodi ikimait yendididit aitulur akouke kwap kwangin, ido ikodokodo, ka isukukur, ikukwa, kituluritos akec akwes. Kangoliduwan kouta [kisomauni Onac Branham aruo bala itunganan iyenganakin] eiyeng kwangin. Kipedori cut ijo apupun kes. Ido kiworoete kanuka akiru, akiru.

Akaul naka apak, kobuni edou lopeti, ido kobukunos akipi kwap. Kosodi ne adoyio ngina, kosomun akimait kuju kageun aresianar, "Aibuses, Alleluyia, kituritete Ejakait!" kosomun iduwan yen esisi yen didi aresianar, "aibuses, Kituritete Ejakait, Alleluyia!" ikukwa ka luce da kere, kirimirimoto ikosiete koresianaros komanikor, "Aibuses, Alleluyia, kituritete Ejakait!"

Eebo, katemari eong atiar, "Mam eong apedorit ajenun ngun."

109 Konyouni aitapoet kamaka; kasodi eong abongokin tomake bobo: "Ikukwa luibusakinit angerio." Kaanyuni do eong ngin. Abala Yesu, "Etepi edou nejaasi luedolito ka lumam edolito da." Epedori etunganan aiboi kairiamun, kosodi einer kangajepa, epedori acelaanar, ka aswam iboro bala luce kere kakesi kede Emoyo Lokalaunan obe ido komam erai loka Ajakanut naka Edeke. Eraasi ngun abeit cut. Mam kereka Yesu abu kotema, "Luipu kapaaran kangin etemarete atiar, 'Ejakait, mam kereka kipou kerengiasi ajokin kOkiroriKon; kadwarata da (alimonokin) kOkiroriKon; keswamata aswamisio nuka apedor nui pu kOkiroriKon?" kotema Yesu, "Konyoutu kama Ajai yes lukeswamak nukepali, mam lem kajeni yes nepecep da." Biai bodo ngun?

110 Enata apolou naka ngin kane. Iteijo? Apotu kiirata akiru nakajokan naka Akuj. Konye ageun ber sek da, mam adolitos. Ageun ber sek da mam akecelosikineta keraasi nuadolitos; akecapeleikineta mam keraasi nuadolitos. Ngun, mam jo ipedori ajenun. Ebe...ijenun jo, kotoma aidweny abu ngol kotema, "Aso ikoto kaloto karutosi kes?"

Kotema atiar, "Kinyeisi kere kopolooto nepepe, ido kapaaran kangin ikukwa lu ka isukukur da icwears nepepe, doodo akima elosete odula." Kwana, epone ali ilosio jo ajenun alibo ekukwai, arai alibo esukukur, arai anibo akimait? "Kotoma araito kec ijenun ijo kes." Iteijo, onac, inac, ekitoi loejok mam erauni araito nakaronon. Mam ace, nenice kotoma orot elosi ngin aikamun ijo. Aso, ijo kotoma aimo aibatisao naka Emoyo Lokalaunan...Eyalama eong noi neejai itunganan yeniwadikat ngun. Iteijo?

111 Kwana, eyuunak lukoikor ngul kokau kangina, araasi cut luaupasi kakes. Araasi luakepitai kede akepiokec. Apotu koloto kitoni akwap naesumunit Edeke, kitoni aririke. Itunga luipu elosete kitoni ariri naka ngin. Elosete cut kitoni aibatisao naka Emoyo Lokalaunan ido konyet ainger ngin. Mam nges ekoto aijal ngin. Elosi cut kitoni toma Naiwadikatai Obaibuli naka aibatisao kOkiror loka Yesu Kristo, kosodi aibelokin ngin epurake, ido ainger ngin tetere esalit mam eseseni ngin.

Emamei karaida ediopet Naiwadikatai kObaibuli kere ne aponere kibatisaere idiotunganan kOkiror loka Papa, Okoku, ka Emoyo LokaLaunan, emamei cut adio naiwadikatai. Abu Ekanisa loka Atulik kogeun ngun, kolomutu kotoma Luther, kwap kotoma Wesley, ido kiriun cut kitoni ne. Eraasi ngun nukabeit. Konye ainapetai naka naiwadikatai nges Ekiror loka Ejakait Yesu Kristo. Ngin nges aibatisao naka ikiyakia. Mam ijo ipedori aswam ngun ido aiboi kotoma oriongeta. Erai abeit.

112 Kwana, iseseni jo iboro ngul? Aibatisao naka Emoyo Lokalaunan, ainakineta nuka Emoyo, iboro

luitolomunene Edeke... Araitonaka Emoyo nges amin, aiyalama, atitingikin. Oo, itemari ijo, "Konye Onac Branham, kisirereng Edeke, atitingikit eong." Esubit bala nges ngin. Abu eong kalot Ohio ne mere aojau kau, kosodi icetunganan aingit eong, ewadikaunit ebalua ne ido kingisite eong arai ebatisai eong itunga kOkiror loka Yesu Kristo. Mam cut eong abu kalim adiokirot. Apotu kongicutu karaida biai, ido apotu ikejanakinak luesomaete nepepe itomonakany kikunyasi awai. Erai ngin atitingikit mere kwain!)-atitingikit, ajokis, aiyapepera, aitikokina, ainapakin, ido Emoyo Lokalaunan. Iteijo?

113 Oo, Onac, Inac, kijai-kijai oni Kades-barunea. Kwana ijai jo aiir. Akuar nabian abu Emoyo Lokalaunan kodoik ioni, kwape akwap loakusi noi. Abu kiboikin mama isio luipu. Lolo ipejonokinete ejananakinat ireria lailo ka laiije, idokonokinete akanin ka ailipanakin ngun luemootos Emoyo Lokalaunan. Mam iyangaari ekaburokinan. Mam iyangari acelaanar. Mam ijo iyangari atironoro ace. Kidareu kanen kitoni Edeke ailungulunguun ijo ido aitarauun ijo isubat yen itetet, aisomaun ijo itunganan yen kitetet. Ijai ijo aiyr kopana, aiyr aiyr bon. Konye ingarenik yes ajele kitoni cut omeesa, ido-ido imerekek ka ajele apotu kiboikinos kwap nepepe, ainumunum toma akirot naka Edeke. Naarai ebuni abwa nemameunor akuj karaida akwap; esalakini Akirot naka Edeke. Abeit ngin.

114 Okwe, mam kiwomoomoi ebe arai eong loakoto aijulujul iboro. Arai lem karai, mam eong akoto araut. Karai...amuno eong ebe abongonok eong aingiseta nu; adaut eong, kotoma aijen ka kere.

Ido kanen, kotoma Iburanian 6, arai kianyutu yesi, eneras Paul kede Iburanian luapotu kotemasi, "Ee, kilosi isio kajo kitoni." Epote ngul. Iteijo? Kotema, "Kwana, ijaatar yesi..." Kesi ngul luepote kosodete aiir da.

115 Abu kojaun ebe abu eong kangolia kau kotoma aduketait. Aitodikin yes aitogongoet naka Edeke lokajaran. Amuno mam eong abuni aisideleleun itunganan yen. Abu eong kabu kairiamun mam apak elwana noi, kasodi abunore ne. Kosodi aikwenyakin yes ebe epapero lokajokan, opaperoka obe, epaup kotoma amej, kerai etunganan ngol loajokuna kaneka, etunganan loajai okanisaka, ido kerai onaceka; abu eong kanyara nges Busty. Konye ekekiror erai Everett Rodgers; kiboie ko Milltown. Idi bo iitunitos eong neabunio eong alimor ngin? Ajai eperi kane kadekis; apotu imurok kojengata nges, apukor nges, ido eleleba noi ekansa apotu do bon kinyakakisi aidony. Kotemasi, "Erinyori atipet; kotoma osabiitin idis koekarite; ngun bon kodaunos ngun. Kodaun ngol, kodaunos do ngun."

Iituunitos yesi eipone loabu eong kabwoia kane kotut, ailipakin nges? Kalosi kwap ngina ido kaloma agola, kojai do ibore yenanyami etauka. Kalosi do eong toma agola, ido nape etolomaria eong itunga kere kinga kotoma agola kanu eong ti apedor...Aperi Onac Everett kanen. Ido ipote yesi aiitunit nu. Abu eong kaloma toma; kasodi atiar, "Onac-Onac Busty."(Abu eong anyara nges Busty.)

116 Kolosek kijaanakin isio toma ariamuneta kokito kokwap kangina, Methodists ngun kere kojaas oukot (Gertie, adiofet kakesi), kosiununei nen, kireonor kamisiri naka ikito luka imusabibun kanu aanyun nualosi eong alimun, ido koipone kangol, kokuriaka ebe ebuni ekanisa loka Methodist agolor kes kinga. Kosodi konyet, abu eong kalot kasodi adumun aitapoet kangina, ido abu kaany akiring iculul toma amukebe. Abu eong kekam amulego naka agaria kasodi ayupakin kes, kebwaikini kebwaikini kes toma ausiok, kasodi aenikin ausiok kuju. Ido nangolekinio eong...Ajaasi kere kotoma aitapoet; ajalakit eong atukot naka itunga ebwoete kokwap naka ekitoi akwaar ngin kasodi eong alosit kuju naka eukot obuke Onac Wright's. Mam do kes apotu kopedosi adumun eong bobo atupuruc natupakini. Katemari eong, "Siri idio kayesi..."

Nape abwoi eong alimonokin, kobuni Aica ngin; Epir loka Akim ngol aikajakin nepene cut iingarenika ido kobala ebe, "Konyou kane ido kolot amagoro; kinerakin Eong kajo." Arai apaaran ngipengin, apaaran natupakini nges do adumuniata kesi eong kokuju oukot. Ido ajai eong sek kuju ngina; abu eong kebwa ekamotoka kokitui, ido ajai eong kuju orongat ailip akwaar kere ka apaaran natupakini kere. Apotu ice kakesi kopotu kuju ngina, kodumunete emotoka kosodete abunore kuju ngina...Ngin nges apaaran nabu Onac Graham Snelling, lo, kodumunia Emoyo Lokalaunan ka anyarario da toma aijanakin.

117 Kuju ngina toma kosiep loka eukot neaperio eong kangina, ido abu Ngol-Ngol kalimok eong iboro luegelegela lukiswama ka einer da loinerit nepepe. Abu koinak aitapoet naanyun agaria ngun irimokitos, kotema, "Erai lo ekanisakon loko Milltown."

Ido iwongon arai ikany kakesi ebiroro; kasodi eong atemar, "Ingaibo ngin?"

Kotema, "Idiopet kakesi erai Guy Spencer ka akeberu. Ido ediope je erai Spencer ece kangina, ido nakec." Kosodi alimunun luagelegela, luabeit aibiror.

Abu eong kalimok kes; katema, "Emamei idio kayesi enyami." Akaberu kede eong mam...Arai eringa isio kedukokina; ido abu ngin kolot ore aiboi akwaar kere kede Inac Spencer, aberu naejok. Etunganan loejok, Guy Spencer erai etunganan loejok kwanat iteio jo nges ebwoi konapite akemuk. Ido abu kolot ngina, kotema Opal atiar, "Kwana, koany..." nejai Meda, kotema atiar, "Kwana, Meda, eyuunit eong nuebala Onac Bill." Ebala ya, "Konye, neyaria Opal etengei, ejai nges ainyam akiring na eputir naitolatai keda abeei." Kanuangun elosi ngin ngina, kosodi aiwowa akekring kede abeei, kosodi aiboikin kwap ainyam kes, ido

kogeuni ailipakin arereng, kosodi agongakin omeesa, emonyi, mam apedori atiror nges. Kopote do kesi ameja.

118 Ido kokuju koukot kangina apaaran ngin, abu Ngesi kalimok eong cut nuabeit atakanun. Kotema Ngesi atiar, "Enyounete lu, ido enyounete lu da." Konye ajaatar ngesi aturosit naepol naka akiring na ipucanakitai sek amukeben. Kotema Ngesi atiar, "Kidar na kanu aitosom moikace kanu itunga luko Miltown." Ido akwaar ya neapupuno eong Onac Creech...Eboie ngol kane bian kwaare. Mam eong...Onac Creech, ijo ijai toma lolo? Neabunio Onac Creech neajai eong, abu kiworo eong, ido amonyi Inac Creech; aperi papake kangina. Kotema, Onac Bill, mam ilimokini nges. Elosi atwanare." Kotema, "Adau ekansa ainyam nges; apotu imurok kopukosi nges aijeng, ido eleleba ekansa tomake noi." Ido Will Hall (iitunitos yesi kere nges), neapukorio nges emuron ngopengol ido kilelebas kekansa...Kageuni eong alosit ameja ikunyuko atupuruc ngin, ido abu kaany apples ikajasi kagoola. (Iitunitosi kereka yesi awaragat ngin?) Ido lolo ejari kereka etunganan ngol. Erai nen ikar kau. Nges ka Onac Busty araasi ipapero.

Kalosi eong adekis, adekis naitet (emuroki eong epone loiworotere nges, kokinga kangina ko New Albany) adekis naitetet. Kasodi eong alosit aanyun Busty; ido nealomaria eong agola, abu katema atiar, "Onac Busty."

Kotema atiar, "Onac Bill." Abu kikam akakan ayogan kede agogong kwape kolo; ekajiot ekeyengunan kOjie Losodit loka Akwap kere, mam erai alimun nu naarai ejai ngesi, konye erai etau loelai kwape eramia ngesi kotoma. Abu kimakakin akakan. Alositor eong oreke; anyamitor kotogoke; aperitor da togoke, kosubite cut bala arai eong onaceke. Ikedwe kaluce kere, kiraun do-do bala kwape iinacan luka aokot. Etunganan loejokuna noi.

119 Ido nges...Konye mam abu kopedo aidulokin toma Ejakait...abu eong kebatis nges kOkiror loka Yesu Kristo. Konye apak ngin naatemaria ekalimonokinan loka Methodist ebe "Idiotunganan kere yenibatisatai kOkiror loka Yesu Kristo, orwa kowemaka." Amamei ationis kanen. Opotu George Wright kede luce kolomasi kinga. Atiibong ngin kalosi eong ngina aibatis kOkiror loka Yesu Kristo ko Totten Ford. Iketunga kere apotu kolomasi akipi kosodete aibatisaun kOkiror loka Yesu Kristo. Kanuangun kenyikokini do eong elopet. Mam nen arono. Kojai Edeke kede yes, ingai epedori abwoikin yes? Mam ber eong ajeni neabu etunganan ngol kolot, arai inyo abu kiswamaikin nges.

Keja ngun da, abu eong kalot adekis. Kojai do Busty eperi kanen ileleba ekansa, mam do ber imurok, mam ibore apotu kiswamaata ilema ainyakakin nges adonyokin. Katemari eong Busty; kotema, "Onac Bill, ejai apeleikinet kanu. Ejai ibore abu kotakanu."

Katemari eong, "Eebo, Busty."Kageuni eong aipup Emoyo ngol esubit bala ekwam loekusi noi loalimonokini eong yes akekiro, ijeni jo, elomuni toma.

Kotemari atiar...Nealomuna eong toma nee, ajai etaluka nen okoona ngol, kobwoi kokoona kangol. Erai etaluka aitutuket; aitutuket kede Edeke. Abu Edeke kisoma aitutuket kede eong korongat kangol apaaran ngin. Kedokokini eong akakanin kuju kOnac Busty kasodi ailipakin nges.

Ebakasi imurok, "Elosi ngol arinyor. Ebuni ngol airipokin do kwap cut. Emamei bobo ibore yenkiswama...ebeit atwanare kotoma apaarasia adis." Ido Busty Rogers...Erai ngin isabiitin ka isabiitin ka isabiitin kau, kosodi Busty Rogers, ngol iboie cut kokanisa lolo kokau, engalei, kosingirir nemam eong aanyutor kotoma aijar ka. Kobwo, Onac Busty. Engol. Kainakisi Edeke aiturio, nginitunganan.

120 Atukokina agoola naka okuju,

Kere kilipete kOkiroriKe.

Kibatisai kEmoyo Lokalaunan,

Ido kobuni apedor naijaanakin.

Kwana, nuabu kiswamaik kes apaaran ngin,

Kiswamaikini ijo da kwapekwangin.

Eyalama eong noi naarai apedori eong alimun, "arai eong idiope kakesi."

Arai eong idiope akesi, idiope akesi;

Eyalama eong noi naarai apedori eong alimun, "arai eong idiope kakesi."

(Halleluya!)

Idiope kakesi, arai eong idiope kakesi;

Eyalama eong noi naarai apedori eong alimun, "arai eong idiope kakesi."

Karaida mam itunga lu ebakasi ebe eraasi kesi, arai awolobob kanu ajenara na abar naka akwap,
Adumutu kere Pentikostikec, ibatisatai kOkiror loka Yesu.

Ido elimonokinete kwana kere neelwana kalalau da, aKepedor eringa erai kwapekwangin.

Eyalama eong noi naarai apedori eong alimun, "Arai eong idiope kakesi."

Arai eong idiope kakesi, Arai eong idiope kakesi;

Eyalama eong noi naarai apedori eong alimun, "Arai eong idiope kakesi." (Hallelua!)

Idiope kakesi, arai eong idiope kakesi;

Eyalama eong noi naarai apedori eong alimun, "Arai eong idiope kakesi."

Kwana, kobia onaceka, komoo arereg na

Naitalauni etaukon kotoma adiakar,

Naeinakini ikidei lukaillel aruikin,

Ido ainakin ekonimoyo esalit enoki.

Oo, enoki kwana kotoma otauca,

Oo, aibuses toma OkiroriKe.

Eyalama eong noi naarai apedori eong alimun, "Arai eong idiope Kakesi." (Kawooto nges!)

Oo, idiope kakesi, idiope kakesi;

Eyalama eong noi naarai apedori eong alimun, "Arai eong idiope kakesi."

(Hallelua!)

Idiope kakesi, idiope kakesi;

Eyalama eong noi naarai apedori eong alimun, "Arai eong idiope kakesi."

(Idibo eraasi idiope kakesi? Ikeutu akanin kus. Oo, loka! Oo, epone loeyalamar eong. Arai eong idiope kakesi.) Idiope kakesi, idiope kakesi;

Eyalama eong noi naarai apedori eong alimun, "Arai eong idiope kakesi."

(Hallelua!)

Idiope kakesi, idiope kakesi;

Eyalama eong noi naarai apedori eong alimun, "Arai eong idiope kakesi."

Atukokina kesi agola ngin nakokuju,

Kere kilepete kOkiroriKe

Kibatisai kEmoyo Lokalaunan,

Ido kobuni apedor naijaanakin.

Kwana, nuabu kismamaik kes apaaran ngin,

Kismamaikini ijo da kwapekwangin.

Eyalama eong noi naarai apedori eong alimun, "Arai eong idiope kakesi."

Oo, idiope kakesi, idiope kakesi;

Eyalama eong noi naarai apedori eong alimun, "Arai eong idiope kakesi."

(Halleluya!)

Idiope kakesi, idiope kakesi;

Eyalama eong noi naarai apedori eong alimun, "arai eong idiope kakesi."

Kwana, iringa oni iwoi e chorus ngol bobo, akoto eong nginidiope kayesi aibelokin, kosodi aiyogaikin kede ekoniidunyet, kosodi atemar, "irai kereka jo idiope kakesi?" Iteijo? Ejokuka ngun.

Oo, idiope kakesi (Ajeni eong irai jo, Onac Neville. Ajeni eong irai jo, Onac Capps.

Ajeni eong irai jo. Ajeni eong iraijo...?...))

...idioppe akesi.

Oo, idioppe akesi, idioppe akesi;

Eyalama eong noi naarai apedori eong alimun, "arai eong idioppe akesi."

121 Oo, mam kereka ijo iyalama irai ijo idioppe kakesi? Idi ekotosi araun idioppe? Kikiya akonikan. Ejokuka ngun.

Kwana, alosi eong awoikin lo kanukus:

Kwana, kobia onaceka, komoo arereg na

Naitalauni etaukon kotoma adiakar,

Naeinakini ikidei lukaillel aruikin,

Ido einakini ekonimoyo esalit enoki.

Oo, enoki kwana kotoma otauka,

Oo, aibuses toma OkiroriKe.

Eyalama eong noi naarai apedori eong alimun, "Arai eong idioppe kakesi."

Oo, idioppe kakesi, idioppe kakesi;

Eyalama eong noi naarai apedori eong alimun, "Arai eong idioppe kakesi."

(Hallelua!)

Idioppe akesi, idioppe akesi;

Eyalama eong noi naarai apedori eong alimun, "Arai eong idioppe kakesi."

Kiitunite nuabu ipese yenididi kolimok Petero, "Mam tope ijo irai idioppe kakesi?" Eyalama eong noi, mam ijo irai? Ijeni jo, kotema Petero kapaaran naka Pentikost, "Nu nges nu!" Kwana, alimunenei duc eong, "Arai mam erai ngun, eyalama eong ebe adum ngun, kidaritos ngun adolun." Erai abeit. Eyalama eong kanu.

Naarai arai eong idioppe akesi, arai eong idioppe akesi;

Eyalama eong noi naarai apedori eong alimun, "Arai eong idioppe Kakesi."

Oo, idioppe kakesi, idioppe kakesi;

Eyalama eong noi naarai apedori eong alimun, "arai eong idioppe akesi."

122 Oo, mam do kereka nu eumokina, aiboi nepepe kotoma aiboisio nuko kuju kotoma Kristo Yesu, emorete kEmoyo, komorete kotoma Akirot, inerasi nuiboro luejokuka luebeit abunore. Eyalama eong noi ajenun ngun, idobo do jo? Mam ijo iyalama ebe irai jo Ekristayot? Mam ijo iyalama ebe ejaasi akonirokisiko kwap naka aokot? Ebuni adiopet kapaarasia kanupekanu, ido ilosi oni ka Ngesi. Aso koomom, amojongu kere edaun kamawok; adekasinei kere, aiticaneta kere, aijar naetwani kere ijulakin.

Oo, loka! Apedori eong aomoom nuka inacan luamojongitos nuabwoenenete kane. Eitunit eong...idibo iitunitos Rabbi Lawson? Abeit, yes luipu kere. Etei eong nges ikajakini ebelake nepenen. Ido eboinikin eong kau ngina. Kowoenenei ikosio yenididi...(apak adio Teddy, onac.) atamakini eong, inyek ber aanyu eong arai apedori eong awoikin. Mam eong ajeni.

Kangina idarit eong moi nakaiyalama ,

Ne engaarotor irutei luka ilulun kipajajaete,

Ido neatubio eong aditot naka ican,

Keyenguni do eong kosiepe kaje.

Acepaaran adepar needoli epajan loetwani,

Acepaaran, Edeke bon ejeni arai aibo arai wori,

Akokoron nuka aijar naetwani ebwounete,

Kalosi do eong aiboi toma oukot loka Sion. (Eebo.)

123 Akokoron nudidik nuerimete kotomawok nu-iteijo, aiir, atiror, aingu, ka aipup, aijen nginididi ka amopiran nuirimete kotoma aijar naetwani, elosete aiboi toma oukot loka Sion. Oo, amina eong ngin, idobo jo? Kojen ebe ijaasi oni kede amuno ngin naisirerengitai. Erai abeit. Idibo ejenete ekosio wok loibatisaet lomojong? Kwana, kilosi oni aijul ngun. Kalemutu ekosio wok loka aisiarakin:

Oyanga Ekiror loka Yesu keda ajo,

Ikoku yenikaitasiono ka atiokisio

Iinakini ijo aiyalama ka ainapakin,

Oyanga nges nginiiboisit kere nailosijo.

124 Oyanga Ekiror loka Yesu keda ajo. Iswama ngun bon, ilosi ijo. Erai abeit, oni kere kwana, sirikimurok, isawan iyarei luatupuruc ekorakinio akadin nuka ailip kanu airiamun. Egear airiamun isawan iuni katutubet. Abuni eong alimonokin isawan iwongon. Aijanakin nailipanakin luka adekak egear nepetai isawan ikany.

Moi paaran, moi ebong erai aisiiraret naka alimonokin kokanisa. Ido moi kwaare, yes kere luipotu kitoronikinos kanuka adiakaretakus ido komam ber ibatisauna, ejaun...engaaro atapar; kibuni aibatis itunga kotoma Okiror loka Ejakait Yesu Kristo.

125 Itunga kere nepepe kwana, kwape kiwoyo okuju naka iporotoi wok. Onac Busty, mam ijo ijene eipone loeyalamar eong ido kesialamikite Edeke. Ijene jo, abu ngol kolot neejai emuron. Kosodete alimokin eong ebe abu emuron kowany nges ido komam ejene nulimuna. Mam apedori aiyuun ebe arai ebok je ngopengol. Oo, mam erai aiyeiyea nuedepori Edeke aswam. Mam kereka ngun eraasi nukabeit? Erai nakabeit.

Oyanga Ekiror (koramak kokinga) loka Yesu keda ajo,

Ikoku yenikaitasiono ka atiokisio

Kiinakini ijo aiyalama ka ainapakin,

Kwana, oyanga Nges nginiboisit kere nailosijo jo.

Ekiror loketiei (Ekiror loketiei!), Oo eipone ejijimar

Amun naka akwap kaiyalama naka akuj;

Ekiror loetiei (Oo, Ekiror Loetiei!), Oo eipone ejijimar!

Amun naka akwap kaiyalama naka akuj.

Erai abeit. Enyakakini kwani aijanakin neejai ekekokon. Ejaunos kede akiro ace, arai ainerakin ka icetunganan atwarar oni, nupe ejaasi otauke.



www.messagehub.info

Nuelimonokinit

William Marrion Branham

"... toma apaarasia nuka eporoto..." Apuk. 10:7